

فيلم:

اشتباك

تأليف:

خالد دياب

محمد دياب

التترات

مشهد ١ / فجر / داخلي

سياره ترحيلات/مكافحه شغب من الداخل. السياره عباره عن علبه كبيره من الصفيح لونها أزرق، طولها أربعة أمتار و عرضها متران، هناك ثلاثه شبايك صغيره علي كل جانب طولي و شباك واحد بنفس الحجم علي كل جانب عرضي بالخلف و الأمام.

السياره تمر في شوارع مصر، الهرم، التحرير، كوبري ٦ أكتوبر، النيل ...

كل ما نراه خارج السياره نراه من داخل السياره من خلال شبايكها الصغيره التي يغطيها قضبان ورائه سلك شبكي الشكل.

-شاشه سوداء-

مشهد / نهار / داخلي

السياره فارغه.

خارج الشاشه.

هناك صوت عساكر يشتبكون مع أشخاص.

عقيد فهمي
أمسك ابو كاميرا الي هناك ده

من شباك علي اليمين تظهر عصي العساكر التي تتحرك بعصبيه من شباك
لشباك بإتجاه باب السياره الخلفي.

أصوات جلبه بالخارج، صوت جسد يرتطم بجانب السياره.

عسكري عطيه
و لا حركه
زين
صحافه
آدم
press .. press
نقيب نادر
أنتو تبع مين يا أبني؟
زين
الأسوشيتد برس
آدم
أنا مراسل و هو مصور

العساكر عطيه و عويس و عوض و آخرون يمسكون زين من ياقه قميصه هو و
آدم و يصعدون بهم الي سلم الباب الخلفي، زين و آدم رأسهم تظهر من
شباك الباب الخلفي. زين في منتصف العشرين شعره ديل حصان، بينما آدم
في أربعينياته، ملامحه قوقازيه.

سيارات الشرطه و الأمن المركزي متمركزه في هذه النقطه، حول السيارات
عشرات العساكر و الطباط.

الظابط نادر
هاتلي الكاميرا دي

عويس يخطف الكاميرا من يد زين و يمدّها لعوض الذي يمدّها الي نادر. زين
يلمح رتبه أكبر تقترب إنه العقيد فهمي، ٥٠ سنه.

نادر يتفحص الكاميرا، يقلب في الصور. يشير للعقيد فهمي.

نادر
مصورينا يا باشا
زين
شغلنا نصور

العساكر يفتشونهم و يتحفظون علي تليفوناتهم المحموله و الكاميرا الخاصه
بزين.

نادر يتفحص باسبور آدم الأمريكي ثم يناوله للعقيد فهمي.

نادر – للعقيد فهمي
أمريكاني
آدم
أنا أمريكي مصري
Google me Adam A. Ramzy
صحفي في الإسوشيتدبرس



آدم يشير لكارت تعريف بلاستيكي يتدلي من رقبتة، مكتوب عليه اسمه
بالإنجليزية و أنه يعمل في الأسوشيتد برس.

يقترب فهمي و يمد يده و يتفحص كارت تعريف آدم المكتوب بالإنجليزية.

فهمي - بإنجليزيه ممتازه
We don't speak english here, this is Egypt

فهمي يشير للعساكر فيفتحوا باب السيارة و يدفعوهم بالداخل.

زين
لأ .. مينفعش .. لأ

زين يقاوم بإستماته، إلا أن العساكر أقوي منه، يدفعونه للداخل ... يسحب معه عوض قبل أن يغلقوا الباب.
عويس يفتح الباب و يندفع ليضرب زين ليعده عن عوض. يسحب عويس عوض بأبويه، يخرجها ثم يغلق الباب.

داخل السيارة زين يتجه ناحيه الشباك الذي في الجبهه التي أتجه لها الطابط.

زين- بإستماته
طب كلم آخر نمره علي تليفوني، نمره رئيس التحرير هياكدك أننا صحافه

نادر في يده الكاميرا يقلب في الصور و هو يتعد متجاهلاً زين. عويس و عطيه مع عوض الذي يعدل من هندامه، يبدو متوتراً.

زين تظهر عليه علامات الإختناق، تتابه نوبه هلع. يتنفس بصعوبه. آدم يحاول مساعدته.

آدم

breath .. breath

آدم يتجه لشباك بجانبه لينادي علي عساكر أو ضباط

آدم

Help .. help ... helllllp

الحقونا

يتجاهله جميع العساكر و الضباط.

آدم يرجع لزين الذي جلس علي الأرض في إنهيار، أصبح تنفسه أصعب، و معاناته أكبر

آدم

خد نفسك، براحه

Inhale ... Exhale ... Inhale ... Exhale ... Breathe slowly ... Breath

ببطء تبدأ أنفاس زين في الانتظام. آدم يساعده لكي يجلس علي البنج الخشبي الجانبي، زين يلاحظ الاسماء المنحوتة علي حائط العربيه و التي نحتها معتقلون سابقون.

آدم هو الآخر تهدأ أنفاسه بعدما هدأ قلقه علي زين، يجلس علي البنج الجانبي المواجه لزين.

آدم يقوم و يتفقد شباك بجانبه ثم شباك علي الناحيه الأخرى ثم يتفقد الشباك الخلفي، يتأكد أن لا شرطه قريبه من السياره. يخرج كاميرا صغيره من جيبه، ثم يناولها لزين.

زين يمسك بالكاميرا، ينظر لها و يبدو عليه التردد.

آدم يشغل الكاميرا في يد زين.

زين ببطء يوجه الكاميرا ناحيه آدم

آدم - يهمس

We're captured in police truck, they confiscated our camera, our phones

آدم يمسك الكاميرا و يحولها ناحيه زين.

آدم

My camera man Raouf Almost died, he's claustrophobic

زين يضع يده أمام وجهه، و يشير لآدم أنه لا يريد أن يتم تصويره

آدم يحرك الكاميرا ناحيه الشباك ليصور قوات الشرطه حول السياره

زين

بلاش

آدم

Relax,

محدث هيشوفنا

زين يقترب منه

زين

ده هبل فشخ

آدم يتجاهله و يكمل تصوير

العقيد فهمي
أجمع عندي، ورايا

السياره الآن لا يحرسها أي عسكري، زين ينظر من كل شباك لعله يجد أي شخص ... هناك أشخاص بعيدون يلمحهم زين

لا يسمعه أحد، يصرخ مره أخرى.

آدم
يا جدها انا

لا يسمعهم الأشخاص الذين يحاولون لفت أنظارهم و يدخلون في شارع و يختفون.

زين، يبتعد عن الشباك و ينظر للباب، يندفع نحوه و يدفعه بكتفه بكل قوته. آدم ينضم له، يدفعونه المره بعد الأخرى إلا أن الباب لا يتزحزح. زين ينهج، كتفه يؤلمه، ينظر للباب و قد عرف أنه لن يستطيع فتحه بهذه الطريقه. آدم ينظر من شباك آخر، هناك مجموعه من ثلاثون شخصاً يحملون أعلام مصر، يبدون

کمتظاهرين يقتربون من السيارة.

آدم

هنا ، الحقونا

زین

يا جماااااااااااااه يا جدعااااااااااان

يسمعهم أحدهم و يلتفت الي حيث يأتي الصوت.

آدم

هنا

زین

هناااااااااااا، جوه العربيههههه... يا رجاله

يقتربون من السيارة.

آدم يتفقد الشبابيك الأخرى ليتأكد أن قوات الشرطه لم ترجع بعد.

تصل مجموعه المتظاهرين بالقرب من السيارة. المتظاهرين مختلفين في العمر، بينهم سيدتان و ثلاثة أطفال بين التاسعة و العاشرة، يحمل الجميع ،
أعلام مصر

من المتظاهرين:

صلاح ۶۰ عاما، یرتدي بدله صيفي يعمل مدرس

رضوان عمره ٥٠ عاماً يصلح موبايلا في محل صلاح

فيشو ٢٤ سنه رياضى قوي النيان وعصى، من الدويقه.

منص ٢٠ عاماً صديق فيشو يرتدي تيشيرت و بطلون سكييني بألوان زاهيه علي
حذاء أبيض، شعره ملزق بجيل رخيص، قصه شعره موهاك مثل كريستيانو
رونالدو.

حسين ٢٠ عاماً يرتدي تريننج و يبدو من مستوي إجتماعي عالي، حسين مع
أربعة من أصدقائه.

حسام ٤٥ سنه موظف حكومه، معه زوجته نجوي ٤٠ سنه تعمل ممرضه و
أبنهم فارس ٩ سنوات.

خيشه وجهه مشوه بالمطاوي، يبدو كبلطجي.

زين
ممکن أدیکوا رقم تکلموهولي

منص
في العربيه بتعمل أيه؟

حسام
أنت مقبوض عليك!

زين
بالغلط
فيشو
أكيد أخوان

زين
أبدأ و الله، مكالمه تليفون واحده هتظبط سوء التفاهم ده

نجوي
طب كام الرقم؟

حسام
أصبري

زين يلمح آدم يمد الكاميرا من شباك بجانبه ليصور ما يحدث. زين ينزل من
علي شباكه و يتجه سريعاً لآدم ليمنعه من التصوير ... آدم يبعد الكاميرا عن
زين الذي كاد أن يخطفها من يد آدم

زين

إحنا هنا عشان نغطي الأخبار مش نبقي الأخبار

آدم و زين يتبادلان نظره تحدي.

آدم يلتفت للمتظاهرين خارج السيارة.

آدم

أحنا صحافه

كلمه صحافه تستفز المتظاهرين، فوراً يرمون العربيه بطوب يرتطم بالشباك
بجانبهما، لا يمنعها من أن ترتطم بوجوههم إلا الشبك المعدني الذي يغطي
الشبابيك.

آدم

لا لاء ... إحنا صحافه أجنبيه

زين

بس هتموتنا

حسام

جواسيس

فيشو

يا عملا

صلاح يلقي طوبه علي السيارة بإتجاه زين، أكثر من نصف الواقفين يمسكون
بطوب و يلقيه ناحيه السيارة بغضب، نجوي تحاول منع فارس من تقليد أبيه
الذي يرمي طوب، نجوي تفشل.

نجوي-خارج الشاشة
بس يا فارس ...كفايه يا حسام!!

الطوب ينهمر علي السيارة، ينكسر بعضه علي السلك الشبكي و تدخل
شظايا صغيره داخل السيارة، مما يدفع زين و آدم أن ينبطحا. زين ينظر لآدم
في غضب.

رضوان – خارج الشاشة
خلاص أستهدوا بالله

فجأة يتوقف الطوب تماما.

آدم بحرص ينظر من الشباك. يري من الشباك الضابط نادر والعساكر يجرون وراء
الذين كانوا يضربون طوب علي السيارة ويمسكون مجموعة منهم بينما يهرب
منهم آخرون.

حسام
إحنا نازلين مظاهره معاكوا.

النقيب نادر
إخوان و نازلين مظاهره عشانا! فيكوا الخير

خيشه
يا باشا والنعمة أحنا معاكوا ...
-يهتف-
الشرطه و الشعب أيد واحده

يهتف وراءه المحتجزين معه.

النقيب نادر- بسخرية
حلوه

العساكر يدفعون حسام و فارس ... نجوي الوحيدة التي ترجع من من هربوا.

حسام
طب أنا يا باشا ... أنا معايا طفل

النقيب نادر يتجاهله و يبدأ في تفتيشهم.

النقيب نادر
شايذكوا بترموا طوب
حسام
مرميناش حاجه و الله

النقيب نادر لفارس و هو يفتشه.

النقيب نادر
رمىتوا طوب و لا لأ؟

فارس ينظر لأبيه كأنه يسأله عن الإجابة

فارس
آه

يشير نادر للعساكر، يدخلونهم داخل السيارة بعد أن يفتشهم و يأخذوا
تليفوناتهم المحمولة.

العساكر يغلقون باب السيارة.

منص يتوجه لأحد شبابيك الترحيلة ويكلم العساكر.

منص

انا مضربتش طوب ...

فيشو

و المصحف ما ضربنا طوب يا أفندم

رضوان و خيشه يتوجهها لشبابيك أخرى ليستجدوا الشرطه ليتركوهم.

رضوان

يا باشا

حسين

و الله أحنا معاكوا

.نجوي تكلم الظابط نادر

نجوي

يا تخرج أبني يا تدخلني

الظابط نادر

روحي يا مدام .. أتفضلني

نجوي

مش ماشيه من غيره

الظابط نادر

أتفضلني

نادر يعطيها ظهره و يبتعد، نجوي تلتقط طوبه من الأرض و تضرب بها العربيه،
نادر يلتفت لها بغضب و ينظر لها بتهديد. تلتقط طوبه أخرى و ترميها، ثم تلتقط
أخرى، يشير نادر للعساكر فيقبضوا عليها و يدخلونها العربيه، نجوي تحتضن
فارس عندما تدخل العربيه، فارس هادئ لا يدرك فداحه ما يحدث

- قطع -

خيشه وفيشو ينظرون لزين و آدم الذان يتراجعا الي جدار السياره الداخلي.
زين يحمي آدم بجسده. ينهالون علي زين ضربا و يوقعونه ارضا.

منص و رضوان يحجزون.

منص

كفاية... بس يا رجاله... بس يا فيشو

صلاح

تبع مين؟

زين

و الله ماتبع حد

رضوان

أمال هنا ليه! الداخليه متبليه عليكوا!

يتعالا صراخ آدم و زين.

النقيب نادر يضرب علي جدار السياره من الخارج محذراً.

النقيب نادر

بس يا لا أنت هو بدل ما أطلعلكوا، متقربوش للأمريكانى ... أتلّموا

منص يقفز فوق فيشو ليمنعه من ضربهم. يتوقفون عن ضربهما. زين يتأوه،
مصاب بكدمات. يتنفس بصعوبة و كأنه يختنق

رضوان

هيموت سيبوه..سيبوه

منص و رضوان يساعده أن يقف، إلا أنه يدفعهم و يتجه نحو أقرب شبك و
يقرب وجهه منه ليتنفس ... يهدأ تنفسه رويداً رويداً.

منص

هتجيبولنا مصيبه الله يخرّب بيتكوا.

حسين يتفقد كارت التعريف علي رقبه آدم.

حسين

مكتوب صحفي فعلاً

فيشو

يعني هيكتبلك علي صدره جاسوس.

يرجع العقيد فهمي من الشارع الذي أختفي فيه حيث أصوات الإشتباكات.
حسام يلمح العقيد فهمي فيحاول الإستنجاد به.

حسام

يا سياده اللواا ... باشا، بالاشا .. في عيل هناا

العقيد فهمي لا يسمعه، و يقترب من نادر و يكلمه بجديه، حسام لا يسمعهم.

لأنهم بعيدين

يشير النقيب نادر بحماس للجنود أن يركبوا السياره الأخرى.

يركب النقيب نادر سياره الترحيلات في الأمام، تتحرك السياره، زين مازال ملتصقاً بالشباك، يتركون خلفهم أعلام مصر علي الأرض التي سقطت من المتظاهرين المحتجزين. العسكريان عويس و عوض يمسكا بشباك الباب الخلفي من الخارج، يحرسان العربيه و هما يقفان علي السلم الخلفي.

ينزل حسام من علي الشباك بإحباط، يجلس بجانب نجوي و فارس.

فارس

رايحين فين يا بابا؟

حسام ينظر له، لا يجد ما يقوله. نجوي ترمقه بنظره ناربه غاضبه.

آدم

انا فاكرك متعود علي الجو ده، قالولي انك ثورجي

زين

ثورجي يعني اموت عشان قضيه .. مش صوره

آدم

مالصوره ممكن تبقي قضيه

زين

انا نازل اغطي الاخبار مبقاش الاخبار

آدم

معلش يمكن بس عشان اول مره نشتغل مع بعض
زين
و آخر مره

لحظات من الصمت تمر الي ان يقطعها صوت موبايل یرن. منص يغلق صوت
الموبايل المخبئ في شرابه. ينظر ناحيه العساكر المتعلقين علي السلم
خارج السيارة، لم يسمعا شئ.

حسين
ده موبايل ؟

منص يشير برأسه علي زين و آدم.

خيشه يخرج من فمه موس و يشير لزين و آدم بتهديد أنه سيقتلهم لو وشوا
بهم عن التليفون.

منص يخرج الموبايل ويرد .

منص

ايوه يا رضا... اسمعني انت... انا و فيشو مقبوض علينا
... معملناش حاجه يا عم اتمسكنا علي اننا اخوان بالغلط... خلي أبوك يتصرف،
أخلص أحنأ رايعين السجن ... معرفش يكلم مين، كلموا أي حد

فيشو يقترب من التليفون و يصرخ.

فيشو

بلغ البيت عندي يا رضا و طمنهم بس متكلمش ابويا ليروح فيها.

منص ينهي المكالمة.

حسين
ممکن التليفون ثانيه واحده.
رضوان
و انا... أطمئن البيت.
صلاح
وأنا بعدهم
منص
التليفون مفيهوش الا شرطة واحدة، و أنا مستني تليفون من أبويا
زين
لو كلمنا السفارة الأمريكيه نقولهم معانا أمريكياني هيطلعونا!!
ينظر الجميع لزين و آدم، يفكرون في الأمر.

صلاح
لو أنت اللي هتطلعنا... مش عاوزين نطلع
خيشه
هو عيني عينك كده أمريكا بتدي الجنسيه للإخوان!
نجوي
أديله يكلمهم

لحظه .. ثم يهز آدم رأسه نافياً.

آدم
هيخرجوني أنا لوحدي

زين ينظر لآدم محاولاً فهمه.

حسام
أنا أعرف واحد صاحبي ممكن يتصرف
حسين

أنا خالي لوا لو كلمته هيخرجنا
نجوي
خليه يكلم خاله اللوا أحسن

حسام يصمت عندما تأخذ نجوي صف حسين، ينظر لها لكنها لا تلتفت له.

منص متردد.

فيشو
أبوك هايكلم مين يعني!؟

منص ينظر للتليفون مفكراً لوهلة ثم يعطي التليفون لفيشو الذي يناول
التليفون لحسين.

فيشو (لحسين)
خد اتكلم ...بس انجز عشان البطارية هاتفصل...
رضوان
أنا و الحاج صلاح مع بعض هنعمل مكالمه واحده.

منص
و الله ماهينفع التليفون هيقطع.
صلاح
مراته لسه والده هيكلّمها و يطمّن البيت عندي كمان.
منص
ده مش سنترال.

حسين يتصل.

حسين
ماما أسمعيني انا قبضو عليه في المظاهرات بالغلط، مش مهم أزاى،
أسمعيني... كلمي خالو عصام خليه يخرجني

خيشه

يخرجنا .. خليه يخرجنا يا تنت.

حسين

آه ماما، أنا أتمسك معايا ناس قولي لخالتي عليهم ... الناس دي اللي مدياني
التليفون ... آآ كويس و الله .. آه أكلت! انا في عربية بتتحرك ... عربية نقل
المسجونين.

فرملة قوية يقع علي اثرها حسين ليتفكك الموبايل من بعضه.

فيشو

ما تخلي بالك يا عم.

فيشو يللم الموبايل.

نجوي

خالك هيخرجنا؟

حسين- بارتباك

آه، آه

منص - لفيشو

الله يخربيتك و بيت مظاهراتك

فيشو

ما هولما تبقي أول مره تنزل مظاهره و يحصل كده! يبقي أنت اللي نحس

زين

مش هو ... البلد دي اللي نحس

فيشو

بس يا الا

منص يجمع الموبايل مره أخري لكنه لا يعمل. فيشو يأخذه و يحاول إلا أنه يظل

علي حاله.

رضوان يمد يده ليأخذ الموبايل.

منص
مش شغال يا عم
صلاح
أديهوله هيشغله

منص يناوله الموبايل، يعبث فيه رضوان و بعد ثواني يفتح.

صلاح
رضوان اللي ماسكلي محل الموبايلات.
يرن التليفون فوراً.

فيشو- لحسين
أمك
منص
قولها التليفون فيه شرطه تتصل لما تنجز

منص يمسك بالتليفون و يضعه علي أذن حسين، حسين يرد علي التليفون
بسرعه.



حسين
التليفون هيقطع شحن، متتكلميش غير لما تعرفي عملي حاجه

منص يغلق السماعه.

مشهد. نهار. حاره

زين و آدم و الآخرين ينظرون من شباك السيارة التي وقفت وسط اشتباك بين الشرطة والاخوان. هناك اربعة سيارات مكافحه شغب اخري متوقفين متطابقين مع سيارتنا. السيارة الاخرى المرافقه لسياره الترحيلات ينزل منها العساكر و يدخلوا في الإشتباكات العنيفه بين الجانبين. العساكر يستخدمون العصي الخشبيه، الإخوان يردون عليهم بعصي يأخذونها من بعض العساكر و يوقعون بعض العساكر أرضا.

السياره المرافقه لسياره الترحيلات تطلق مياه من مدفع المياه فوقها في إتجاه المتظاهرين. تيار الماء قويي للغاية و يوقع الكثير من المتظاهرين. الكل داخل السيارة علي الشبايك يحاولون متابعه ما يحدث بالخارج، فارس يقوم و يقف علي البنج بجانب والده الذي ينظر من شباك.

نجوي
أنزل ، أنزل
حسام
متخافيش أنا ماسكه

نجوي تجذب فارس بعنف بعيداً عن الشباك.

حسام
نجوي!
نجوي

واحد فينا علي الأقل لازم يبقى مسؤول

حسام

المسئليه أنك رجعتي أتحجزتي معنا بدل ما كنتي تحاولي تتصرفي

نجوي
لأ المسؤوليّه أنك تنزل بإبنك مظاهره في يوم زي ده
حسام
ما احنا نزلنا بيه ميت مره زمان و أنتي اللي كنتي بتنزليه
نجوي
إنهاردّه مش زي زمان
حسام
مكنتيش نزلتي
نجوي
و أسيب أبني لوحده
حسام
لما ينزل مع أبوه ما ييقاش نازل لوحده
حسام يسحب فارس ناحيته. نجوي تقوم في غضب.

نجوي
هات أبني يا حسام
حسام
مش أبنيك لوحديك
حسام يمسك بفارس وراءه و يمنع نجوي من أن تأخذه بيده الأخرى. نجوي
تحاول الوصول لفارس.

نجوي
هات الواد بقولك

صلاح و رضوان يتدخلوا بين نجوي و حسام.

صلاح

أستدهوا بالله.

رضوان
مش كده، عيب

حسام - بغضب
خليك في حالك أنت هو
نجوي
و أنتو مال أهلكوا

رضوان و صلاح يصدمهم رد فعل نجوي.

-قطع-

المتظاهرين يكسروا الشبك المعدني الامامي للعربه.

باب العربيه بجانب حسام يُفتح. العساكر يدفعون من يقبضون عليهم بالتساوي
بين سيارات مكافحه الشغب الثلاثه. العساكر يدخلون **تامر** الذي يرتدي مصفاه
مكرونيه علي رأسه يستعملها كخوذته يضربونه بعنف. عويس كان يمسكه
بإحتراف من حزامه، بينما عوض يبدو عليه أنه مستجد، يغلزون الباب.

تامر يندفع للشباك الذي في باب السياره الخلفي و يصرخ.

تامر

أسلاميه، أسلاميه

ينظر **تامر** وراءه لمؤيدو الجيش فيجدهم صامتون ينظرون له بإمتعاض فيتوقف
عن الهتاف شيئاً فشيئاً.

مؤيدي الجيش ينقضوا علي **تامر** (أولهم حسام الذي يترك فارس لنجوي)
يطرحون أرضاً و يقيدوا حركته، لا يشترك معهم منص و رضوان.

تامر

كلاب

نجوي تتراجع بفارس لأبعد نقطه في العربيه، فارس ينظر لأبيه حسام الذي
يقبع فوق **تامر** مكبلاً حركته.

فارس

أنت اللي كلب

زين و آدم يتراجعا بعيداً عن الإشتباك، يلمحا من الشباك العساكر يدفعون
بمحتجز جديد

يفتح العساكر الباب ويدخلون **عمر** ويغلقون الباب.

يكبلونه هو الآخر و يطرحونه أرضاً، وجهه أمام **تامر**

تامر - لعمر

مخبرين

باب السيارة يفتح ليدخل العساكر **محمد** و **حذيفه** الذي يقاومهم بعنف.

حذيفه علي رقبتة كمامه غاز بدائي مصنوع من علبه الصفيح الخاصه
بمشروب غازي و ماسك علي الأنف خاص بالنقاشين. **حذيفه** يبدو و كأنه
محترف أشتباكات.

حذيفه ينادي علي والده الذي يسحبونه الي عربيه آخري.

حذيفه

هاتوه هنا معايا .. ده أبويا .. طب خدوني معاها

العساكر يغلقوا الباب.

داخل العربيه ينقضوا علي حذيفه و محمد هاشم و يكبلونهم هم الآخرين، كل شخص مكبل فوقه أثنان.

يُفتح باب السيارة ...متظاهري الإخوان في الشارع يفرون أمام الشرطه التي تستخدم الخرطوش.

العساكر ممسكين بخمسه عشر من انصار الإخوان يدخلونهم السيارة - بينهم **معاذ و عبدالحميد و إبنته عائشه** ذات ال ١٤ عام - و **بدر** ملابسهم ممزقه من العراك مع الشرطه. **أحمد هاشم** يصرخ من شباك قريب منه للشرطه.

أحمد هاشم

سلميتنا أقوي مالرصاص... سلميتنا أقوي مالرصاص

فيشو و خيشه وصلاح و حسام يتسمرون عندما يرون عدد الاخوان الكبير الذي دخل السيارة. هناك بالفعل ثمانية منهم يكبلون أربعة من مؤيدي الإخوان فلم يبق غير اثنين منهم ليواجهوا الوافدين الستة!

العساكر يغلقون الباب ليصبح الجميع في مواجهه بعضهم .

يدرك الجميع أنهم في ورطه، الوافدون الجدد يلاحظون أن زملائهم مكبلين. معارضوا الإخوان يلاحظون أن أعداد الطرفين أصبحت مقاربه و لن يستطيعوا تكبيلهم.

معاذ شاب في منتصف الثلاثينيات يرتدي بدله، له ذقن خفيفه.

عمر تعليمه أجنبي، أشقر، ملابسه أنيقة. تحت معاذ في المكتب الإداري.

حذيفه شاب إخواني رياضي قوي البنيان.

تامر اخواني في الثلاثينيات قصير ممتلئ الجسم .

عبد الحميد سلفي في الخمسينات ذقنه طويله متعاطف مع الإخوان معه
ابنته **عائشه** ١٦ سنة، محجبه بإسدال طويل.

بدر سلفي متطرف، يرتدي قميص و بنطلون، ذقنه متوسطه الطول.

تامر

قوموهم من علينا

كلمه **تامر** تكسر الصمت و تفجر الموقف، **حذيفه** يتقدم ليخلص **تامر**.

خيشه يخرج موس من فمه.

خيشه

الي هايقرب هاشقه.

عبد الحميد يوجه **عائشه** أبنته لتقف وراءه لكي يحميها.

خيشه يهجم علي **بدر** ضربا فيهمج عليه **حذيفه** فيشارك في المعركة و
فيشو وصلاح.

زين
يا أفندم م م م .. بيموتوا بعض.

يتحرر **تامر** ويشترك في المعركة.

يتحرر **احمد ومحمد هاشم** . المعركة الآن بين معظم من في العربيه.

عبدالحميد يحمي بجسده **عائشه** التي ترتعد من الخوف.

حسام يأخذ لكمه.

نجوي- بخوف

حسام

فارس

بابا

نجوي تحاول أن تضع يدها علي عين فارس كي لا يري المعركة إلا أنه ينزل
يدها من علي عينه بفضول

معاذ و عمر و احمد هاشم يحجزون مع رضوان ومنص و زينحسين
يحمي نفسه و يأخذ ركنا خائفا.

نجوي تصرخ من الشباك القريب منها.

نجوي

الحقونا!!!!.

زين يخط علي جدران السيارة بكل قوته.

آدم يلمح الظابط نادر فينادي عليه باستماته.

آدم
يا ظابط يا ظابط

خيشه يصيب **بدر** بموس في رأسه فينزل منها الدم .

بدر
آآه .. آآه

يُفتح باب السيارة، نادر يقف علي الباب.

نادر
وقف يا أبني أنت و هو ... وقف

الأشتباك يستمر، فيشير نادر للعسكري فوق السيارة الأخرى الذي يقف علي مدفع المياه أن يضرب.

نادر
أضرب

العسكري يفتح المياه لتندفع بقوة علي داخل السيارة لتوقع الجميع أرضاً مرة بعد الأخرى ... نجوي تحتضن فارس لتحميه من السقوط العنيف، تقع علي ظهرها بعنف. تامر يحاول أيقاف المياه المندفعة نحوه بمصفاه المكرونة، تيار الماء القوي يدفعها في وجهه.

زاد 18
وانت حر

العسكري يغلق المياه. الجميع علي الأرض مبتلين منهكين من التعب.

العقيد فهمي يصعد السيارة غاضبا، يتبعه الظابط نادر.

العقيد فهمي
عايزين تموتو بعض وتلبسوها لنا زي ما بتعملو ؟

حسام (وهو ينهج من اثر الماء)
إحنا مش أخوان-

العقيد فهمي - يقاطعه بحسم
طبعاً ... أمي أنا اللي إخوان !!

آدم يتقطر من الماء، يتقدم بغضب شديد و يصرخ.

آدم
فيه أطفال! أتفضل خرجنا حالاً قبل ما تحصل مصيبه

عبد الحميد يشير لعائشه.

عبد الحميد

بنتي عندها ١٤ سنه

العقيد فهمي - بغضب
كل سنه و هيه طيبه

يلتفت العقيد فهمي لآدم.

العقيد فهمي
أنت بتتنطط عشان أمريكاني؟!

الظابط نادر

ما أنتو اللي مولعين الدنيا

آدم - ولكنه

أنا مصري

العقيد فهمي

!مصري و الله

العقيد فهمي يمد يده لآدم، آدم يمد يده له ظناً أنه سيخرجه، فهمي فجأة
يقيد يده اليميني بكلابش، و يربط الناحية الأخرى من الكلابش في شبك
السيارة

فهمي

مش تقول يا أخي مالصبح أنك مصري.

العقيد فهمي يغادر. يغلق العسكري باب السيارة إلا أن فهمي يوقفه.

العقيد فهمي

سيبه مفتوح، عشان أشوف لو واحد أتنفس. إربعه منكو علي الباب هنا، اللي
يتنفس منهم أضربوا في المليان

يشير العقيد فهمي للسيارة لنادر.

العقيد فهمي

اتحرك

يشير نادر للعسكري الذي يقود العربيه فتتحرك بعيداً عن الإشتباكات. يقفز
العسكريان عويس و عوض داخل العربيه في الجزء الخلفي المخصص للعساكر
بينما هناك عسكريان آخرا معلقان علي السلم.

آدم يده مرفوعه من الكلابش، ملابسه تقطر ماء، يبدو في أسوأ حال.

حسام يساعد نجوي علي الجلوس علي البنج، تتأوه من الألم.

حسام

حبيتي، أنتي كويسه!؟

تهز رأسها نغيّاً، عيناها تلمع تكاد أن تبكي إلا أنها تحاول التماسك.

-قطع-

مشهد. شوارع

فارس يلاحظ الكتابه علي جدار العربه من مساجين سابقين، بطوبه صغيره
يرسم هيكل لعبه (اكس او) .. ويلعب اكس

أحمد هاشم يساعد أخيه علي الوقوف، الكل داخل السياره يحاول أن يعصر
ملابسه المبتله.

منص يربت بيده علي شعره يحاول أن يتأكد أن شعره مثبت لأعلي كما كان،
واضح أنه مهوس بشكله. منص يلتفت لخيشه و يهمس له.

منص

شعري مضبوط؟

خيشه يتنح كأنه لا يفهم. فيشو يمد يده ليضبطله شعره الا انه ينعكش هو له.
منص يستاء بشده.

فيشو

معلش اصل البيه دونجوان

يهمس

ده حجز مش ديسكو

عمر يحاول أن يوقف النزيف من جرح بدر.

بدر

مين اللي مقبضينك يا بلطجي؟

خيشه يحاول الافلات ليصل **لبدر**، يمنعه فيشو القريب منه.

خيشه

أمك

فيشو و منص و حسين يمنعوا خيشه من الإشتباك ب**تامر** و يرجعونه لمكانه.

فيشو

أهدي يا عم هتموتنا

حسين يلاحظ **عبدالحميد** يخلع الجاكت الخاص به و يعطيه **لعائشه** المبتله.

حسين

نازل بعيله!

عائشه

أنا مش عيله

عبدالحميد

دي بميت راجل

تحاول عائشه أن تتماسك.

نجوي تساعد فارس أنه ينشف ملابسه، إلا أنه سمع كلام عائشه عن أنها ليست عيله فيشعر بالحر.

فارس
ماما ... ماما بس

فارس و عائشه ينظران لبعض بامتعاظ.

يقترب حسام من نجوي و ينشف شعرها بحنان، كل لمس من يديه تزيدها
إسترخاءً، إلا أنها لا تظهر هذا أمامه.

نجوي
نشف خلاص

يتوقف حسام، تبتعد عنه.

تامر يلاحظ أن عمر لا يستطيع أيقاف النزيف من جرح **بدر**.

تامر

مفيش دكتور هنا؟

لا أحد يجيب.

فارس
ماما ممرضة
حسام
متفتحش بؤلك تاني

الكل ينظرون لهم. حسام و نجوي يتبادلان نظره. نجوي تقوم من مكانها.

نجوي تتجه ناحية بدر. حسام يلحق بها و يقف بظهرها متحفظاً كأنه يحميها.

يفسح لها الإخوان الطريق، تصل **لبدر** و تتفحص الجرح، **بدر** لا يشعر بالإرتياح

مع كل لمس من نجوي. نجوي تربط رأسه بمنديل بقوه.

نجوي - **لبدر**

أضغط علي الجرح بإيدك

زين في آخر السياره أنتهي من عصر ملابسه المبتله، يتجه ناحيه آدم المربوط في الشباك في منتصف السياره. يصل للجانب الذي فيه الإسلاميون.

زين يتفقد آدم الغاضب من ربطه بالكلايش في الشباك زين يشد الكلايش المره بعد الأخرى.

زين محبط و غاضب.

زين

أنت شكلك عاوز تفضل في العربيه!؟

آدم

لأ طبعاً

زين

أنت عاوز تبقي المراسل البطل .. المشكله أنهارده أنك ممكن متخرجش عشان تستمتع ببطولتك .. مسمعتش عن العربيه اللي زي دي اللي مات فيها ٣٧ واحد

يتبادلان نظره.

آدم

انت متعرفنيش كويس

مشهد. منطقه سكنيه يتوسطها برج خزان ماء

العربه تصل لمنطقه سكنيه، يتوسطها برج اعلاه خزان ماء

أمام العربه عساكر مصابين يساعدهم زملائهم علي خلع ملابسهم ليسهلو تنفسهم، و آخرون يضمّدوا جراحهم

هناك عربه ترحيلات متوقفه في المكان. **حذيفه** يمسك بالشباك و يوجه كلامه لسياره ترحيلات قريبه

حذيفه

يا جدعاًااا... يا إخواناااا

يلتفت له شخص في السياره القريبه، إنه **فؤاد**.

فؤاد

مين؟

حذيفه

أبويا عندكوا ؟

تامر يلحق بحذيفه علي الشباك الذي بجانبه.

تامر

الحاج حمزه

القفاص

يغيب فؤاد لثواني، ثم يظهر حمزه القفاص والد حذيفه .

حمزه القفاص

حذيفه أنت كويس؟

حذيفه

الحمد لله أهم حاجه أنت يا حاج

حمزه القفاص

مش أول مره، ده مالك اللي جنبك ده؟

تامر

أنا تامر يا حاج.

حمزه

أمال أخوك فين يا حذيفه؟

حذيفه

أنا فاكهه معاك أنت.

تامر يتجه الي الناحيه الأخرى من العربيه ناحيه عربيه ترحيلات أخرى تصل حالاً.

تامر

مالك القفاص عندكوا؟

شخص في العربيه المقابله يسأل زملاؤه ثم يرجع **لتامر**.

شخص

لأ مش هنا



شخص آخر أكبر سنأ يظهر من الشباك و يكلم **تامر** أنه دكتور **صهيب**.

دكتور صهيب

مين المسؤول عندك؟ أنا دكتور صهيب شكري

تامر

دكتور صهيب!

كلمه دكتور **صهيب** تلفت إهتمام الإخوان، يقوم كل الإخوان لينظروا للشباك بإهتمام.

فيشو

هو ده عمرو دياب بتاعكوا و لا أيه؟!؟

يلتفت له **حذيفه** بغضب. منص يشير لفيشو أن يصمت.

تامر

ازي حضرتك يا دكتور؟

معاذ

حضرتك كويس يا دكتور؟

دكتور صهيب

الحمد لله، نظمتوا نفسكوا؟

معاذ

لسه

دكتور صهيب

طب انجزوا، عاوز أسامي الاخوه الي معاكوا عشان نحصر الي اتمسكوا.

يلتفت **عمر** للإخوان في العربيه.

عمر

نظام يا أخوان ..نظام.

تامر يتجه لشباك آخر ليسأل عن مالك في سياره أخرى قريبه. معاذ يلتفت لمؤيدي الإخوان.

معاذ

(لمحمد هاشم)

أنت أخ معانا؟

محمد هاشم

آه، أنا معاكوا

معاذ

يعني أخ معانا في الإخوان؟

محمد هاشم - يارتباك

معاكوا آه

معاذ

عضو منتظم؟ ليك أسره و بتدفع اشتراك؟

احمد هاشم

لا هو محب انما انا اخ منتظم ومحمد اخويه.

معاذ - لمحمد هاشم

طب هستأذنك أحنا هنيجي علي جنب عشان الناحيه دي هتبقني أخوان

أحمد هاشم ينظر لأخيه بخرج.

عمر

يا جماعه مين ثاني عضو منتظم؟

يرفع خمسة من العشره يديهم فيأخذهم علي جنب- ليس منهم **عبد الحميد وعائشه**.

عبدالحميد و عائشه في ناحيه الإخوان، هي تجلس علي البنج و هو.
بجانبيها

عمر

هستأذن حضرتك بس ممكن تنقلوا هناك، في مكان فاضي

عبدالحميد

فارقه أيه!؟

عائشه

مفيش مشكله

معاذ

الف شكر

تقوم عائشه، و تتحرك بعيداً يتبعها والدها.

عمر لباقي الإخوان.

عمر - يهمس

عرف نفسك بالأقدميه

احمد هاشم

انا عضو عامل في اسرة قسم أول طنطا من سبع سنين.

تامر

انا مسئول اسرة المنيا الدايره الثانيه.

معاذ

معاذ عبد الكريم.. مسئول مكتب اداري امبابه

مؤيدي الجيش يراقبون إجتماع الإخوان بفضول.

عائشه و فارس الآن قريبين من بعضهم. فارس يخرج ليزر من جيبه و يوجهه علي الإخوان من ظهورهم.

عائشه

ده لو جه في عين حد هيبوطها، ده مش لعبه

عبد الحميد يوجهها ان تصمت. نجوي تأخذه منه و تضعه في حقيبتها.

فارس

انتني في سنه كام

عائشه

اكبر منك

فارس

عندنا في المدرسه بنلعب عسكر و إخوان

عائشه

و إحنا كمان

فارس

اللي بنمسكه مالاخوان بنحكم عليه إعدام

عائشه

احنا بقي بندبح اللي بنمسكهم مالعسكر

يتبادلان نظره تحدي

عمر يلاحظ أن زين و آدم ملتصقين بهم، الإخوان عندما تحركوا جانباً تحركوا

، ناحيه مكان إحتجاز آدم. زين و آدم يراقبون إجتماع الإخوان بفضول

معاذ

لو سمحت خليكوا ناحيتكوا

آدم بسخريه يمثل انه سيبتعد ثم تسحبه يده المكلبشه.

زين

احنا مش معاهم.

معاذ

تبعنا!؟

زين

هو أنت فاكّر الناس كلها يا معاكوا يا معاهم!؟

معاذ و زين ينظران لبعض بتحدّي.

آدم

لو تعرف تفكّني هنمشي

معاذ يشير لأعضاء الإخوان ليبتعدوا عن آدم و زين، فيتحرّكوا بعيداً عنهم

بالخارج يتوافد علي المكان المزيد و المزيد من القوات بينهم مصابين، نري من بعيد دخان و اصوات اشتباكات



عمر يشير لإخواني ليكمل تعريف نفسه

اخواني ١

انا منتظم من شهرين في أسوان.

عمر

يبقي مهندس معاذ أعلننا تنظيمياً و هيبقي مسؤولنا.

معاذ (لجميع مؤيدو مرسى الإخوان و غير الإخوان)
العبد لله هيتكلم باسم الإخوان اللي في العربيه، عندكوا مانع أتكلم باسمنا
كلنا عشان نبان أيد واحده

لا أحد منهم يعترض.

عائشه

أتكلم طبعاً، ربنا ينصرك

عبد الحميد

أفضل

محمد هاشم لا يعجبه ما يحدث لكنه لا يعترض .

معاذ (لمعارضى الإخوان)

عشان اليوم يعدي علي خير لازم يبقى فيه نظام

خيشه

احنا هانسيلكو... هو ده النظام.

رضوان

عاوزين أيه؟

معاذ

كلكوا تيجو في ناحيه و إحنا في ناحيه و نقلل التواصل عشان المشاكل

فيشو

أحنا مش عايزين نكلمكوا أصلاً

معاذ

تمام، بلاش كلام خالص و خلوا الراجل الي معاه موس يرميه.

خيشه

الي شايف نفسه ذكر ييجي ياخد مني الموس.

معاذ

سكتوه لو سمحتوا.

حسام

معندناش حد بيمشي اللي تحتيه بالريموت كنترول زيکوا

عائشه

أتكلم بأدب لو سمحت

فارس

أنتي اللي مش مؤدبه

عمر

هزوا ديلكو

تامر و حذيفه بيتسما ليغيظوهم.

معاذ بحسم يشير لعمر و تامر يصمتا.

محمد هاشم

فكره التقسيمه دي غريبه جداً بصراحه

معاذ يلتفت خلفه لمحمد هاشم

معاذ

مش أتفقنا محدش هيتكلم معاهم

محمد هاشم

لأ متفقناش

معاذ

الناس دي فوضتني أتكلم بالنيابه عنها، و اللي هتفق عليه هيسري عالي
معانا و الا أنت مش معانا؟

أحمد هاشم يشير **لمحمد** أن يهدأ.

معاذ يشير لمنص و فيشو و صلاح و رضوان.

معاذ

ممکن تروحوا الناحيه الثانيه؟

منص يقوم و يشير لفيشو و صلاح و رضوان.

منص

ياالله؟

صلاح

مش هنتحرك من هنا

فيشو

يا شاويش، الراجل ده عاوز يتخانق و بيعمل مشاكل

يلتفت العساكر **لمعاذ**.

عويس

أرجع مكانك

معاذ

يا شاويش أنا--

فيشو

بيعملنا بصابعه حركات قله ادب

عائشه

بيكذب و الله.

عطيه- بحسم

أرجع

يتراجع معاذ الي حيث الإخوان.

- حسين يلاحظ أن عوض امام العربيه أنفه تنزف دم، يشير له علي أنفه ...
عوض يلاحظ النزيف و يمسحه بياقه قميصه.

-قطع-

رضوان يفرك ساقيه في عصبية ويضربهم في الارض متألما ويلاحظ صلاح ذلك.
صلاح يقترب من باب السيارة.

العسكري عويس

أرجع مكانك

صلاح للضابط

يا أفندم .. يا أفندم

العسكري عطيه

مكانك بقولك

صلاح - للضابط نادر

فيه واحد هنا هيموت

يقترّب الظابط نادر.

صلاح (لنادر)
حضرتك الراجل ده لازم ينزل يفك ميه لحسن محصور
نادر
ما يمسك نفسه هو عيل !!

صلاح
عنده السكر
الظابط نادر
أول ما تتمسكوا تقلبوا مكسحين

عبدالحميد يدفع **بعائشه** لكي يراها الظابط.

عبدالحميد
هما دول الإرهابيين اللي بتقبضوا عليهم يا مجرمين

الظابط نادر
و الله أنت اللي مجرم

عائشه
متشتمش أبي
عطيه
أبيكي! يلعن أبيكي
عائشه - بتأثر
أنت قليل الأدب
الظابط نادر - لعطيه

بس
عائشه - بتأثر

عيب، مفيش تربيه
عطيه
هسبك
الظابط نادر - بحسم لعطيه
بس

نادر يشير لعطيه أن يتبعه، يشير له أن ينضم لحرس السياره الأخرى. نادر
يتوجه للعقيد فهمي البعيد عن السياره يوجه العساكر، يراقب صلاح و
عبدالحميد المناقشه بينهم يظهر فيها من حركه جسد فهمي الغاضبه أنه
غير موافق عن ما يطلبه منه نادر.

نادر يرجع محبطاً، يشير لعويس أن يلتقط زجاجة مياه بلاستيكية فارغة غير
نظيفه، يأتي بها نادر للسياره و يناولها لصلاح.

نادر- لصلاح
خليه يمشي نفسه بدي، و بنتك أصبر عليها شويه لما الدنيا تهدي

عبدالحميد
و الله حرام عليكوا

نادر
حط لسانك في بقك ..أنا شويه و هروحها عشان عندي عيال مش عشان
حرام

حسام يقوم و يقترب من الباب.

حسام
و أبني؟
الظابط نادر

و أبنك و مراتك، أصبروا الدنيا تهدي شويه بس

صلاح يناول رضوان الزجاجة المتسخه.

رضوان يمسك الزجاجة بقرف .

صلاح

متحسوكش

رضوان

أزازه وسخه يا حاج

صلاح

نشن يا عم مش لازم تلمسها

رضوان

ضيقة قوي البتاعه دي أعمل فيها أزاي دي!

صلاح

أنت هتنام معاها!

تامر

كده، كده

تامر يأخذ الزجاجة و يوجه نفسه للحائط و يتبول فيها، ثم يرجعها لرضوان تصفها
ممتلئ بالبول. رضوان ينظر للزجاجة في تقزز.

تامر

لا لأ، هتفضيها قبل ما تعمل.

يشير تامر لفتحته في الشباك بجانبه، رضوان بتقزز يمد الزجاجة من فتحته
الشباك ليخرج البول من الزجاجة

-قطع-

أحمد هاشم يقترب من **عمر** و يهمس له.

أحمد هاشم

أستاذ عمر ... هو الرئيس بجد ممكن يرجع؟

عمر

ميه في الميه

أحمد هاشم

بس الدنيا كلها ضدنا هنكسب أزاى؟

عمر

ده ضعف إيمان، أحنا مبنؤمنش بالأسباب، أحنا بنؤمن برب الأسباب ... دي
وسوسه شيطان

يهز **أحمد هاشم** رأسه مقتنعاً.

آدم يخرج الكاميرا من جيبه و يجربها ليتأكد أنها تعمل، يصور.
عمر يلاحظ الكاميرا الصغيره مع آدم .

أحمد هاشم

أيه دي؟

عمر - لآدم

دي كاميرا !؟

آدم يخفي الكاميرا.

آدم

أنت مالك؟

عمر يتجه لمعاذ و يهمس له. زين التفت لآدم بغضب عندما أدرك أنه كان. بصور. معاذ يهتم و يتجه لآدم

آدم يعطي الكاميرا لزين ليخفيها، زين غاضب منه، يأخذها منه بدون ان يلاحظ الآخرين

معاذ

أنت معاك كاميرا؟

زين

شايغنا بنصور حاجه

صلاح

كاميرا!

دائره تتكون حول زين و آدم.

عمر

هات الكاميرا . give us the Camera?

آدم

أستنوا بس، الكاميرا دي معانا عشان شغلنا

خيشه

مفیش كاميرات

حذيفه

كسرھا بدل ما أحنا نكسرھا

زين

مين ده اللي هيكسرھا!

معاذ يشير لمعاذ أن يصمت فيصمت.

معاذ

سلسله

فوراً ينظم الإخوان أنفسهم و يربطون أذرعهم ببعض كالسلسه.

حسام

يا شاويش الأمريكان معاهم كاميرا

عويس

كاميرا!!

آدم

الكاميرا دي ممكن تنقذنا، أحنا بقينا اللي متصورش محصلش

معاذ

إدهالنا و إحنا اللي هنصور اللي بيحصل، منضمنش أعلامكوا الكداب
فيشو

تصوروا و فوتو شوب و كده، لأ إحنا بقي اللي هنصور

يشتبك الفريقان في محاوله لتفتيش آدم و زين لكن الإشتباك شكله مختلف.
لإن الإخوان منظمين هذه المره. منص يحاول بإستماته أن يهدأ فيشو و يبعده
عن الإشتباك

صوت طلقة.

العقيد فهمي يقع علي الأرض مصابا في صدره بطلق ناري.... هرج و مرج بين
العساكر و الضباط ... نادر يندفع لفهمي الذي ينزف بغزاره.

الضابط والعساكر ينظرون حولهم لا يعرفون مصدر الرصاصة .

ضابط آخر يقع برصاص القناص فيختبئ باقي العساكر و الضباط كل منه يجد
لنفسه ساتر.

نجوي تنقض علي فارس لتحميه في حضنها، حسام هو الآخر يقف أمامهم
ليحميهم

معارضو الإخوان ينظرون من الشبابيك باحثين بنظرهم هنا وهناك عن القناص.

آدم ينظر من شبابه هو الآخر ليري فجأه عسكري يسقط قتيلًا برصاص
القناص.

آدم
الصوت من هنا

يشير آدم ناحيه لشباك قريب، زين بالفعل يلمح القناص أعلي عماره بالإتجاه
الذي أشار اليه آدم.

زين
أهو ...

حسام
فين ؟

زين
فوق العماره اللي هناك

ينظر منص و فيشو حيث يشير زين.

منص يتوجه لمؤخرة العربية حيث الباب مفتوح ويشير لنادر علي مكان القناص.

منص
أهو فوق العمارة الزرقا هناك...

كل معارضي الإخوان داخل السيارة يصرخون لتعرف الشرطه مكان القناص.

العساكر يجذبون فهمي و الظابط و العسكري المصابين بعيدا... الجميع خارج
السياره يخفض رأسه تفادياً لطلقه محتمله، يلتفت عساكر و ظباط لصراخ من
في العربيه و أخيراً يلاحظون البنايه التي يشير لها منص و من معه، تتجه قوه
منهم ناحيتها

بدر (للقناص بأعلي صوت)
خد باااااالك.

فيشو و خيشه ينقضوا علي **بدر**، و يشلوا حركته، إلا أنه يواصل الصراخ لتحذير
القناص. فيشو يضع يده علي فم **بدر**.

القناص يلاحظ أن من في السيارة يشيرون علي مكانه فيطلق علي السيارة
النار تصطدم بجدار السيارة محدثة ثقب يدخل منه الضوء. ينبطح كل من
بالسيارة علي الأرض.

نجوي
الحقونا .. حركوا العربيه

العسكري فرغلي يقفز داخل كابينه العربيه و يديرها لابتعد بها، الا ان القناص
يطلق النار لتصيب فرغلي رصاصة تقتله في الحال علي مقود السيارة ..
السياره التي مازالت دائره تتراجع للخلف .. انها بلا سائق الآن

العربه تتراجع فتقترب من عربه الرحيلات الأخرى
حمزه القفاص يصرخ من العربيه القريبه.

حمزه القفاص
حذيفااه .. أنت كويس
حذيفه
أنا سليم الحمد لله

نجوي و حسام علي أرض العربه فوق فارس.

عائشه تبكي من الرعب وأباها **عبد الحميد** يحتضنها.

عبد الحميد

متخافيش يا حبييتي.

آدم يحاول أن ينبطح قدر الإمكان إلا أن يده المربوطه في الشباك تمنعه، زين
بإستماته يحاول أن يحرر يد آدم، آدم و زين يجذبون يده المكبلشه المره بعد
الأخري بعنف إلا أنهم يفشلون في تحريرها

آدم

هات الكاميرا

زين - بغضب

مفيش زفت

أشتباك بالرصاص بين القناص و القوه التي ذهبت لتهاجمه. الكل داخل العربيه
منبطح علي الأرض. كثيرون من الجانبين يتلون الشهاده و آيات قرآنيه. يهتز
الموبايل (فايريشن) في جيب بنطلون منص. يضغط زر التليفون ليمنعه من
الإهتزاز. يتفحص من المتصل بحذر لكي لا يراه الإخوان و مؤيديهم.

حسين - يهمس

دي أمي؟

منص

لأ

فيشو
أبوك؟

منص
لأ لا حد ثاني

-قطع-

أشتباك بالرصاص بين القناص و القوه التي ذهبت لتهاجمه بقياده عطيه.

نادر (في جهاز اللاسلكي)
الاسعاف... ابعثونا الاسعاف فورا

دكتور صهيب يكلمهم من السيارة القريبه.

دكتور صهيب - يصرخ
فيه حد مالاخوه حصلوا حاجه؟

عمر - يصرخ
أحنا كويسيين الحمد لله

دكتور صهيب
القناص ده أكيد تبعهم عشان يلبسوناهم

عمر
طبعاً

معاذ

ما أحنا عارفين ده أكيد تبع الداخليه

منص

و ده تبع الداخليه؟

منص يقصد بدر الذي مازال يحاول أن يفلت من فيشو و خيشه.

معاذ

مش أي واحد بدقن إخوان

العربه مازلت تتراجع، انها علي وشك الاصطدام بعربات مركونه في الشارع بعنف

آدم- يصرخ

وقفوا العربيه

عويس يحاول ان يلحق بالعربه، يفتح بابها بصعوبه و يدخل الكابيه و يضغط فرامل العربيه

عويس

!!فرغلي

البنايه التي حدث بها الإشتباك يخرج منها عسكريان يسندوا عطيه و هو مصاب في ساقه، معهم مجموعه أخرى ممسكه بالقنص مكبل اليدين يدفعوه بعنف.

المؤيدين والمعارضين يعتدلون من انبطاحهم. كل منهم ينسحب لجانبه، فيشو و منص و صلاح و رضوان يبتعدا الي حيث باقي معارضي الإخوان ... الآن السياره مقسمه بين الإخوان و معارضيهم.

امام العربيه يصل العساكر بالقناص.

حسام يقف بجانب باب السياره.

نجوي- لعسكري
و النبي الطابط اللي كان هنا فين؟ كان هيمشنا
عبد الحميد

و بنتي
آدم
فكوني
زين
حد يفكلوا الكلابش

العساكر يدفعون بعنف القناص المكبل بكلابش وراء ظهره ، كل العساكر
يتجهون نحوه كل منهم يضربه بكل ما أوتي من قوه، ينهالون علي القناص ركلاً
و ضرباً بعنف جنوني شديد ليسيل الدم من كل جزء منه.

المحتجزين مصعوقين من المشهد العنيف. فارس يخبئ رأسه في حضن
نجوي من الرعب. مؤيدو الإخوان ينظرون لما يحدث برهبه.

القناص بجانب العربيه علي الأرض ينزف من رأسه.

تامر يتعلق بالشباك، يتأمل القناص بجانب العربيه علي الأرض ينزف من رأسه

تامر - للعساكر

بينزف من دماغه

حذيفه

فيه هنا ممرضه

حسام

مفيش

معاذ

تامر.. أنزل

حذيفه

ليه؟!

معاذ

عشان أنا مسؤولك و قولت كده

حذيفه يبتعد عن الشباك بينما يظل **تامر** مكانه.

تامر

يعني هم يقتلوننا و لو دافعنا عن نفسنا نبقى غلط

صلاح

مثلوا مثلوا إحنا مش مختومين علي قفانا... أنتو كلكوا مع بعض

بدر- لمعاذ

خايف يقولوا عليكوا أرهابيين ... و الله ده شرف

معاذ- بحسم

أنزل

حذيفه يربت علي كتف **تامر** ليهدأه، بإمتعاض ينزل **تامر** من علي الشباك.

سياره إسعاف تصل و تتوقف في منتصف الشارع بجانب سيارتنا. يحمل إليها العساكر و الضابط مصابيهم و قتلاهم. مع وصول كل قتيل لعربه الإسعاف يقترب ضباط و عساكر أكثر يبدو عليهم التأثر الشديد. عوض و عويس يساعدون عطيه المصاب الي الإسعاف، يضعوه فيها ثم يرجعون الي عربتنا ليحرسوها مع العساكر الآخرين. عوض يبدو متأثراً بشده، يميل علي الأرض و يتقيأ.

يقترب العساكر بجسد المقدم فهمي و يتجهون للإسعاف، نادر يتجه ناحيه جثمان فهمي داخل الإسعاف و يبحث في جيبه، يخرج تليفونه المحمول. نادر يتفقد الشاشة نفهم أنه وجد رقم زوجه فهمي أو شخص قريب منه يستجمع قوته ثم يتصل برقم ... نادر بعيد لا نستطيع سماعه، لكن يبدو عليه التأثر و هو يحاول أن يهدأ روع زوجه فهمي.

آدم و رضوان و **محمد هاشم** و منص يتابعون من الشبابيك نادر و يبدو عليهم التأثر بدورهم. نادر عينه مدمعه، يقترب يسمعون الآن.

نادر- علي التليفون
أنا آسف لحضرتك جداً ... البقاء لله ... البقاء لله

يغلق نادر السماعه بشرود. التليفون عليه دماء يمسحها في ملابسه. صلاح عينه تدمع من التأثر و هو يشاهد نادر متأثراً. يلاحظه **حذيفه**.

الظابط نادر

لو سمعت صوت مالعربيه دي طلقه غاز و هقفل الباب، حركوا العربيه دي

عسكري يحاول أن يدير العربيه إلا أنها لا تدور المره بعد الأخرى.

الظابط نادر

زوقوها

عشرون عسكري يدفعون عربتنا الي شارع جانبي، العربيه تقترب من المكان الذي سقط فيه القناص و نzf به ... علي الأرض دمائه المختلطه بالرمل، عربيه الاسعاف تبتعد

-قطع-

مشهد- نهار/داخلي - شارع ممتد

شارع مزدحم، عشرات العساكر يدفعون العربيه المعطله. الباب مازال مفتوحاً عوض يرجع. العساكر يبدو عليهم التعب و التأثير النفسي

المحتجزين كونوا طابور دائري لكي يقسموا الوقت بجانب الباب الخلفي المفتوح. زين في الطابور يصل للباب الخلفي أخيراً، يحرك يده لكي يدخل الهواء الخارجي للداخل، يتنفس الصعداء. زين يري العساكر وأثر الحراره علي حركتهم البطيئه، و العرق المتصبب منهم.

آدم يخرج من جيبه أوراق ماليه و يضعها بين رسغه والكلايشات الساخنه.

منص يدفع زين من خلفه لأن زين أخذ وقتاً طويلاً. زين يتراجع لداخل السيارة.
يصل **عمر** في دوره للباب.

عمر
يا دفعه

عويس و عوض المشتركان في دفع السيارة مع زملائهم يتجاهلونه.
يخرج **عمر** ٥٠ جنيه و يمد بها لعويس.

عمر
أبعت هاتلنا و هاتلكوا ميه

حسين
و هاتلنا أحنا كمان ... خد

يخرج حسين ١٠٠ جنيه.

عويس
خد فلوسك و أرجع .. أرجع

حسين يمد يده لعوض.

حسين
و الله أحنا ما تبعهم خد ال ١٠٠ جنيه ليك و هات أزازه واحده.

عوض ينظر لعويس كأنه يسأله هل يوافق أم لا.

حسين
٢٠٠ جنيه

منص ينظر لحسين بتعجب من بساطه تعامله مع المال.

عويس
أبعد، أحنا مش بوابين العمارة بتاعتكوا.

حسين يسحب ال ٢٠٠ جنيه و يتراجع لداخل السيارة

منص
أنت منين يا معلم؟
حسين
القطاميه

منص يخرج كروت من جيبه أصابها البلل، الكروت عليها صورته منص و هو (دي جي) تصميم الكارت رديئ للغايه

منص
طب لو عندك عيد ميلاد فرح طهور أنا أقوملك بيه- دي جيه منص

يشير للحزام

منص-للجميع
٠١٢٣٤٦٥٤ أي حد عنده مناسبه دي جيه منص جاهز

منص يناول الجميع كروت. حسين ينظر للكارت ثم يضعه في جيبه بآليه

يهز منص رأسه أنه تفهم. خيشه يتأمل الكارت.

خيشه

هو أنت مشهور ؟

منص

يعني

فيشو

دي جيه آيه يا له! أنت معندكش مكسر أصلاً و لا عده

منص

... أدينا بنسعي يا عم، الكروت الأول و الباقي جاي

يبتسم فيشو بسخرية

منص - بضيق

أحسن مالي مبيحاولش حتي .. و مقضيها تشجيع كوره عالقهوه

فيشو

تشجيع الاهلي ده شرف

حذيفه

الاهلي فوق الجميع

حسام

كان زمان

فارس

معلش الزمالك رجع

محمد هاشم

كوره يعني زمالك

آدم

انا ابويا كان بيقولي الكوره في مصر يعني الاهلي

فيشو

ابوك ده راجل بيغهم

آدم يتأمل الكرت الخاص بد جي منص.

رضوان في الطابور، يشم رائحه كريهه يغلق أنفه بيده، صلاح ورائه تصله
الرائحه

صلاح

مش معقول كده يا جماعه

معاذ

فيه أيه!؟

فيشو

فيه كرنب و بيض ... مش كنتوا قاعدين تقولوا سلميه سلميه

تامر

الريحه من عندكوا مالصبح و أحنا ساكتين

حسام

معانا ستات لو سمحتوا

معاذ يشير لأعضاء الإخوان الواحد بعد الآخر ليتأكد أنهم ليسوا مصدر الرائحه،
يؤكد علي تامر بالذات إلا أنه ينفي بحسم

معاذ

لأ الموضوع ده مش من عند الإخوان

منص

ليه الإخوان مبيفسوش و لا أيه!؟

العساكر تحاول ايقاف العربيه، يندفع نصفهم للأمام ليقفوا امامها ليقفوها.
بصعوبه ينجحون. يتوقف اتوبيس في الإشاره مزدحم للغايه ... المحتجزين
يتأملونه و كأنهم يرون انفسهم في الاتوبيس

مشهد. نهار. منطقه مغلقه تحت الدائري

العربه الآن متوقفه في منطقه مغلقه تحت مجموعه كباري تتمركز بها قوات
الشرطه
عسكري يحاول أن يدير موتور السياره لكنها لا تدور. موتور السياره مفتوح
يصلحه عسكريان.

عساكر أخرى يركبون أسلاك شائكه علي سيارات الشرطه و المدرعه و عربات
الترجيلات. عويس و عوض يركبون السلك الشائك حول عربتنا، شباك بجانب
آدم يلف عليه سلك شائك، يحاول أن يبعد يده عنه

ضوء الشمس قوي للغايه ... كل من يجلسون علي البنش تبدو عليهم آثار
الحراره الشديده، عرق و أرهاق و تنفس بطئ ... لا أحد منهم يلمس بظهره
جدار السياره. آدم يحاول أن يريح ظهره بأن يسند علي جدار السياره وراءه،
إلا أنه ينتفض من حراره الجدار، آدم أكثر من يبدو عليه التأثير من الحراره.
رضوان جالس علي البنش في حاله أعياء شديد.

حسام يمسك بقميصه و يحركه للأعلي و الأسفل لكي يهوي علي نجوي و
فارس الجالسان علي البنج

صوت والد حذيفه (**حمزه القفاص**) يأتي من العربيه الاخرى واهناً

حمزه القفاص

حذيفه

حذيفه

ايوه يا حاج

حمزه القفاص

قلبي واجعني علي اخوك مالك

حذيفه

متقلقش يا حاج هو هيبقي كويس، خد بالك بس من نفسك عشان صوتك
تعبان قوي، شوف حته اقعد فيها

حمزه القفاص

كلنا واقفين، احنا بتاع ٥٠ ستين واحد

حمزه القفاص يسعل بشده

عسكري يحاول مره اخري أن يدير موتور العربيه تدور أخيراً.

عبدالحميد يكلم العسكري من خلال الشباك الواصل بين الكابينه و صندوق العربيه

عبدالحميد

الله ينور عليك .. أطلعوا بقي

العسكري يطفئ موتور العربيه بآليه

نجوي تقوم و تتجه ناحيه الباب.

نجوي- تصرخ

أمتي هنتحرك من هنا؟! ... أنا عاوزه حد أكلمه

معانا عيال

تهم نجوي بالنزول من العربيه، تنزل علي السلم. العساكر يمنعوها بالقوه و يرجعانها للسياره، تقاومهم حسام يسحبها لداخل السياره

عويس

السجون و الإقسام مليانه، مستنيين يدونا أشاره و نتحرك

نجوي

الدنيا حر جوه .. الناس بتموت

عوض يشير لها أن تهدأ، يمد يده لها بزجاجه الماء الخاصه به، نجوي تأخذ زجاجه الماء و تتجه لفارس، تسقيه ثم تشرب، ثم تناول زجاجه الماء لحسام. حسام ينظر للزجاجه ثم يناولها **لعائشه** التي تشرب فوراً، تناول ما تبقي من الزجاجه لوالدها **عبدالحميد** الذي يتناول رشفه ثم يناولها **لبدر**. يتخاطف الجميع زجاجه الماء

بدر فمه ممتلئ بالماء، يتجه ناحيه آدم ثم يبصق في وجهه كالمكوجيه لكي يخفف من الحراره

بدر

تمام!؟

آدم متقزز و مذهول .. إلا أنه يقدر جدعنه **بدر** فيهز رأسه أنه تمام

-قطع-

السيارات الأخرى أبوابها مغلقة، يصرخ **شخص** من أقرب سياره.

شخص

هنمووووت مالحر، هنمووووت ...

اصوات طرق علي جدار السيارة القريبه من الداخل، يتبعاه طرق داخل
السيارتين الأخريتان.

شخص يصرخ من السيارة الأبعد.

شخص ٢

الناس بتقع مننا، الحقوناا

حذيفه

أبويا .. أبويا

والد حذيفه (**حمزه القفاص**) لا يرد، يندفع **حذيفه** ناحيه باب السيارة غير
مكترث بالعساكر، يضربه عوض في وجهه بكعب الرشاش. يفقد الوعي. عوض
تتسارع أنفاسه، أول مره يضرب أي شخص

شخص ٢ يصرخ

مات .. واحد مات... الحقوناا .. نفس .. شويه هوا

العساكر تنظر لبعضها.

رضوان بضعف.

رضوان

مش ده صوت سامح صاحب طارق ابنك!؟

ينتفض صلاح.

صلاح

سامح... أنت سامح؟؟؟؟؟

سامح يرد من العربه البعيده، و هو يتنفس بصعوبه.

سامح

أنكل .. صلاح؟! ده أنت!!!؟ الحقونا ... بنموت

صلاح

طارق أبنی معاك؟ هما خطفوكوا مع بعض؟

سامح

مش قادریں نتنفس

لا إجابة من سامح، فقط صراخ من محتجزين آخرين في العربات القريبه.

رضوان

سامح ... طارق فين؟ طارق معاك؟ ساااامح

سامح (بیطاء و ضعف)

قولهم ... يفتحوا... الباب

صلاح

أفتحولهم أم الباب

صلاح يخترق الصفوف ليصل للباب.

صلاح

أبوس أیدیکوا .. عاوز أعرف أبني فين؟

عويس لا يرد ينظر للعربه التي يأتي منها الصراخ بتردد.

صلاح

بيموتوا

زين

أفتحوا الباب و لو سینه، يتنفسوا ... كده هيموتوا

العسكري عوض ينظر للعسكري عويس كأنه يسأله رأيہ. عويس يوجه كلامه للحراسه بجانب السياريه التي يأتي منها الصراخ.

عويس

ما تشوفوا الطابط و تفتحولهم الباب يا جدعان

آدم (يصرخ من شباك)

بدلوا علي الشبابيك

الصراخ يستمر.

زين و صلاح و رضوان ينضموا لأعضاء الإخوان الذين يصرخون للعربات الأخرى:
"بدلوا عالشبابيك"

نجوي تنضم لهم، بينما يضع حسام يده علي أذن فارس كي لا يسمع الصراخ.

الطرق علي جدار السيارات و الصراخ يستمر. عسكري عوض يترك مكانه و يتجه للعربه التي يأتي منها الصراخ. عويس يحاول أن يوقفه.

عويس

عوض!

شخص ١ من داخل العربه

أفتحوا حرام عليكموا ... في ناس تانيه وقعت منا.

شخص ٢ من داخل العربيه
بنتشوي هناااااا ... أفتحوااااا

عوض يستخدم زجاجه الماء الخاص به و يرشها علي جدار السياره و الشبابيك.

عويس
أرجع دي فيها محاكمه

يستمر الصراخ.

عوض - بإنهيار
أفتحوا الباب، إفتحوا الباب

العساكر أمام السياره ينظرون له بتردد. يظهر الظابط نادر.

الظابط نادر
أرجع مكانك؟

عويس
بس هيموتوا كده يا باشا

الظابط نادر يشد أجزاء مسدسه في تهديد.

الظابط نادر
أرجع مكانك

عويس يندفع ليجذب عوض ناحيه باب العربيه.

عوض الآن رجع عند عربتنا يسد أذنه إلا أن الصوت يظل عالي بما فيه الكفايه
ليسمعه. يتواصل الطرق بإستماته من داخل العربات الثلاثه الأخرى.

منص المذهول من ما يحدث يخرج موبايله و بدون أن يراه أحد يشغل أغنيه
مهرجانات صاحبه للغايه، يخفي الموبايل بيده علي أذنه ... يحاول أن يهرب من
الصراخ بالأغنيه .. لا إرادياً يحرك يده الأخرى كرقص مهرجانات بدون أن يراه أحد
... الأغنيه الآن تغطي علي صوت الصراخ

-قطع-

مشهد- ليل - منطقه مغلقه تحت الدائري

.الشمس في إتجاه المغيب
رضوان يتجه لركن لكي يتبول ثانيه.

الصمت خيم علي العربات الأخرى. صلاح و بدر و حذيفه و تامر كل منهم
علي شباك يحاولون التواصل مع العربات الصامته.

تامر

دكتور صهيب

حذيفه

أبويا ... يا حاج

تنزل دمعته من عين **حذيفه** . إنفه الآن مكسوره و متورمه.

صلاح
سامح ... ساااامح

بدر
يا ولاد ... طمنونا يا ولاد

لا مجيب من العربات. صلاح صوته مبحوح تماماً، صلاح يلمح من ملابس بدر
ظهره المشوه

صلاح
أيه اللي في ظهرك ده؟

بدر يغلق ملابسه ليخفي ظهره

صلاح
ده تعذيب؟

بدر
ابنك عنده كام سنه؟

صلاح
بتاع ١٦ .. ١٧

بدر
طلحه ابني أكبر منه .. في الجامعه ... هو في سنه كام؟

صلاح
تانيه ثانوي

بدر
أنا مشفتوش في أعدادي و لا ثانوي

صلاح
ليه!؟

تامر
هيكون ليه يا حاج، كان معتقل اكيد

بدر

متخافش إن شاء الله ربنا هيحفظ أبنيك، هو علي الحق
صلاح

أبني مش معاكوا

تامر يظهر من وراء **بدر**

تامر

و أنا مش تخين

صلاح يفكر لثواني، ثم ينادي مره أخري بصوته المتحشرج تماماً

صلاح

سااامح

صلاح

سام ححح

بدر يسرق نظره متعاطفه لصلاح، الذي يتحشرج صوته

يسعل بشده. يحاول رضوان المتهالك تهدئته إلا أنه يرفض أن يتوقف

بدر

سامح ... ساامح

صلاح ينظر له متعجباً. **بدر** يتفادي النظر له.

بدر

سااامح

-قطع-

خيشه يخرج الموس من فمه الي شفته. حسين منبه، فخيشه يريه كيف
يقوم بإخراج الموس من فمه ... يكررها ... لا يلاحظ خيشه أنه ينزف. حسين
يشير له أنه ينزف. خيشه يمسح خط الدم، إلا أن الدم يستمر.

نجوي
أفتح بقلك

فمه كل دم. نجوي تقترب منه و تتفحص فمه.

خيشه
أنا تمام

نجوي تكمل تفحصه.

نجوي
بقلك متشرح ... أنت لسه بتتعلم حركه الموس دي

خيشه - يتوتر
لأ

نجوي - تهمس
أنت ليه عاوز تعمل فيها أنك بلطجي؟

لحظه صمت.

خيشه - بصوت واطي
عشان يفضلوا مقلقين مني
حسين
أمال أنت أيه؟

خيشه
بسياً العربيات في الإشاره

خيشه يمسك بالخيشه المربوطه في حزامه.

نجوي
و أية اللي منزل واحد زيك في خناقه ناس هبله زي دي؟

لحظه صمت، خيشه يفكر ألا يرد.

حسين
قول والله ما هنقول لحد

خيشه- بصعوبه
في مظاهره إخوان عدت في الشارع، حصل اشتباكات مات فيها ال .. كلب
بتاعي

تتسع عينا نجوي و حسين من الذهول، ثم يتحول ذهول نجوي لإبتسامه.

نجوي
و أية اللي كان منزل كلبك مظاهره؟

خيشه يبتعد بفمه عن متناول يد نجوي.

خيشه
أنا طول عمري بطولي ماكانش ليا حد غيره

تخرج نجوي. حسين يربت علي كتف خيشه. حسين يخرج محفظته بها صوره
واحد لكلب يحتضنه حسين و هو أصغر بخمس سنوات.

حسين- متأثراً
أبويا الله يرحمه كان جاييهولي لو حصلوا حاجه متخيلش هعمل ايه
خيشه متأثر للغايه سرحان مع الصورة.

حسين
اسمه روكي ... كلك كان اسمه أيه؟
خيشه
جربان
حسين
جربان!

خيشه يومئ بالإيجاب.

حسين
هو كان جربان!؟

يهز خيشه رأسه مؤكداً أن كلبه كان جربان. حسين يخرج الصورة و يعطيها
لخيشه. خيشه عينه تدمع.

-قطع-

منص تليفونه يهتز داخل جيب بنطلونه، يتفقد الرساله التي وصلتة بحذر حتي
لا يراه احد. يرد علي الرساله برساله

عائشه في بقعه ضوء من عامود كهرباء، الضوء علي وجهها أخذ شكل النافذه
التي دخل منها، مربع و عليه نفس شكل السلك الذي يغطيه.

عبدالحميد، يلاحظ جمودها.

عبدالحميد
أنتي كويسه؟ ... عائشه!

تنزل دمعها.

عبدالحميد
حبييتي، متخافيش

عائشه لا ترد.

عبدالحميد
حبييتي ... حبييتي ... يا بنتي

تقوم نجوي و تقترب من عائشه و تجلس بجانبها، تهمس لها بشئ، و ترد
عليها عائشه بهمس.

نجوي تقوم و تهمس لعبد الحميد بحرج.

عبدالحميد ينظر لها بتأثر، يقوم و يخترق الصفوف ليصل للعساكر.

عبدالحميد - يهمس
بنتي عاوزه تخش الحمام

عوض شارد كأنه تحت تأثير صدمه عصبية.

العسكري عويس
مينفعش

عبد الحميد - يهمس

حرام عليك، دي بنت، مش هينفع معاها الإزازه

العسكري عويس
و الله لما الظابط يرجع هستأذنك منه

نجوي
بيقولك بنت عاوزة تخش الحمام، أنتو أيه!

يلتفت جميع من في السيارة عندما يسمعون نجوي.

خيشه
هتخرج يعني هتخرج
آدم
هتخرجها
العسكري عويس
مش بكيفنا و الله العظيم ما بكيفنا

كل من في العربيه ينتفض ضد العساكر الذين يرفعون أسلحتهم ماعدا عوض.
عويس يشد أجزاء.

العسكري عويس
لو ما رجعتوش هقفل الباب

العسكري عوض يناول عويس سلاحه الرشاش ثم يصعد العربيه و يدخلها.
يشير لعائشه و لنجوي و لفارس

العسكري عوض
تعالوا هتروحوا

عبدالحميد

ربنا يخليك

عويس يغلق باب العربيه. عوض يتجه لشباك الباب الخلفي و يطرق عليه.

عوض

أفتح الباب .. عويس .. عويس

عويس

هتودي نفسك و هتودينا في داهيه

عوض

أفتح الباب

عويس لا يفتح الباب.

عبدالحميد يرجع ناحيه **عائشه** منكس الرأس. معارضي الإخوان يهمسون في ما بينهم، حسين يهمس لمنص، ثم يبدئوا في أن يقفوا في الزاويه الخلفيه من العربيه.

حسين

هاتها يا شيخ

معارضي الإخوان يعطون ظهورهم لزاويه العربيه أولهم حسين، يكونوا جدار بأجسادهم لتستطيع **عائشه** أن تقضي حاجتها بدون أن يراها أحد

عبد الحميد يشير لها أن تذهب ورائهم.

نجوي

متكسفيش يا حبييتي كلنا بنخش الحمام

تتجه **عائشه** للركن، تبدو محرجه للغايه. المجموعه المكونه للجدار يتفادوا النظر لها حتي تختفي ورائهم .

الإخوان و مؤيديهم ينظرون بعيداً عنها ... تمر لحظه من الصمت علي الجميع، حتي العساكر صامتين يبدو عليهم الخجل. تخرج **عائشه** من الركن و هي تبكي.

نجوي
خلاص؟

تهز رأسها نافيه.

باب العربه يفتح مره أخرى

العسكري عويس- بغضب
هاتوها

عويس و عوض ينظران لبعض بغضب، يخرج عوض من العربه و يقف علي السلم لينتظر **عائشه**، يشير لها أن تخرج.

يتجه **عبد الحميد** لحيث **عائشه** و يمد يده لها، يفسح الجميع الطريق لها، **عائشه** علي الباب تنظر للعساكر لكن فجأه تشرد بعيداً و يظهر علي وجهها الرعب. يلتفت العساكر الي حيث تنظر **عائشه**، هناك جحافل من المتظاهرين الذي يتجهون ناحيه العربه و يرمون مئات من الطوب.

صوت أرتطام طوبه في سقف السياره يلفت إنتباه الجميع، أمطار من الطوب تنهمر علي السياره العسكري عويس يصاب، عوض ينزل له بسرعه ليتقفده. أصوات الطوب علي سطح السياره صاحبه للغايه و مخيفه.

هناك جحافل من المتظاهرين تقترب بأعداد أضعاف الأعداد الأولى تهاجم الشرطه بالطوب. المتظاهرين يدقون بالطوب علي اعمدة الانارة والاسوار المعدنية ليصدروا صوت منتظم كطبول الحرب.

الطوب يدخل من باب السيارة المفتوح، يصل مداه لمنتصف السيارة، الطوب يصيب منص و حسين و **أحمد هاشم**. جميع من في السيارة يتجهون الي داخلها بعيداً عن الباب ليحتموا من الطوب.

أحمد هاشم ينزف من رأسه، **محمد هاشم** يحاول أن يساعده و يضغط بيده علي النزيف، إلا أن أربعة من الإخوان يدفعونه و يساعدوا **أحمد** لإيقاف النزيف، يقطعون قميص **أحمد** ليربطوا به رأسه التي تنزف. **محمد** يتألمهم بغضب و هم يقفوا بينه و بين أخيه.

العساكر يتراجعون بعيدا عن العربيه ... لا حراسه الآن الا ان امطا الطوب تجعل الخروج مستحيلاً

حسين
إقفلو الباب.

يندفع عويس داخل العربيه مترنحاً، عوض يحمله ... رأسه تنزف دماً، آدم يجره للداخل ... ثم يسحبه بعدها **عمر** و فيشو. عوض يدخل العربيه هو الآخر

عبد الحميد يجذب **عائشه** و يتجه ناحيه الباب.

عائشه
هتعمل أيه؟

عبد الحميد

هروحك

معاذ

أستني يا مجنون

عبد الحميد يتجاهله و ينزل من السيارة و يغطي رأسه بيد و بيد الأخرى يرفع الجاكت الذي يرتديه فوق رأس **عائشه** ليحميها من الطوب، **عبد الحميد** يشير بيده للمتظاهرين ألا يضربوا عليهم طوب.

عوض يندفع ليوقف هرب **عبد الحميد** و **عائشه**

نجوي تجذب فارس و تتجه به هي الأخرى للخارج.

حسام

نجوي، هتموتوا

نجوي

هنموت لو فضلنا

حسام يمسك بيدها ليوقفها، تقاومه بعنف، فارس يصرخ لأن الإثنان يتجاذبان.

حسام

نجوي أهدي

نجوي

سيبني

نجوي تدفعه، فيرجع ناحيه الباب، ليصاب بمجموعه من الطوب فيسقط أرضاً. آدم و زين يسحبان حسام بعيداً عن الباب. حسام ينزف من كتفه مكان إصابته

... نجوي يبدو عليها الذهول مما حدث ... آدم و زين يضمدا حسام بينما نجوي
في الناحية المقابلة ... فارس يترك يدها و يتجه لأبيه ليتفقدده ... نجوي تتأمل
حسام، تبدو خائفه أن تقترب منه لكنها في النهايه تحاول تفحصه إلا أنه يشير
لها ألا تلمسه

حسام
أبعدي، دلوقتي

عسكريان يطاردا **عبد الحميد و عائشه**، يمسكا **عبد الحميد** الذي يحاول
الهرب منهم وحماية ابنته في نفس الوقت. عسكريان آخران يمسكا **بعائشه**،
عبد الحميد يحاول تخليص ابنته فيصبح وجهه مكشوفاً فتأتي طوبه في رأسه
يتحملها ثم تأتي طوبه أخرى في رأسه تشج رأسه التي تنزف كنافوره. يسقط
عبد الحميد مخضباً بدمائه.

العساكر يرجعون **بعائشه** للسياره و يغلقون بابها.

عائشه
بابااااا.

عائشه تري الخارج من شباك الباب الخلفي، تري كل شئ بالسرعه البطيئه،
تسمعهم داخل السياره يتشاجرون لكنها في الحقيقه أصواتهم بالنسبه لها
بعيده للغاية

عائشه تبكي يانهيار.

عائشه
لاا ... بابا!!

عبدالحميد مازال علي الأرض، عسكريان يقتربان منه يختبئان خلف درعان بلاستيكيان لتفاداة الطوب، يسحبانه ناحيه قوات الشرطه .

IIIIIIIIII

آدم يشير لعائشه أن تنظر من شياكه لأن زاويه رؤيته أفضل لقوات الشرطه.

هنا ، هنا

آدم يشير لها علي عينه لتفهم أن الرؤيه من هنا أفضل
عائشه تنظر من شباك آدم زاويه الرؤيه أفضل، العساكر فوق **عبدالحميد**
 بتفحصونه.

|||||

رضوان

أَنْ شَاءَ اللَّهُ مَحْصُورٌ حَاجُهُ، أَنَا خَدْتُ بَتَاعَ عِشْرِينَ طُوبَى وَ كُوبِيسَ

رضوان يرفع ملايسه، ظهره كله كدمات من الطوب.

فیشو

ماماتش، دي حته طوبه

حذيفه بعنف شديد يشتبك مع فيشو ... الإخوان و معارضيههم يبعدانهما عن بعض. **حذيفه** يدفع الإخوان بعيداً عنه، يدفع معاذ معهم.

حذيفه ينظر لمعاذ بتحدي. معاذ يشير لأحمد هاشم المتحفز.

معاذ- لأحمد هاشم

أقعد

يجلس **أحمد** هاشم فوراً وسط تعجب أخيه **محمد**.

حذيفه يأخذ طوبه من الأرض و يطرق علي جدار العربيه بنفس تون طرق الإخوان بالخارج، ينظر لمعاذ و كأنه يتحدي أوامرهم ... **تامر** ينضم له، بالتدريج كل الإخوان بالعربيه يمسكون بطوب و يطرقون علي جدار السياره بنفس الطريقه. **معاذ** في النهايه يضطر أن ينضم لهم و يطرق بالطوب هو الآخر علي الجدار.

بدر

القصاص بالرصاص

حذيفه

القصاص بالرصاص ... القصاص بالرصاص

تامر

القصاص بالرصاص

عمر ينظر لمعاذ، الا أنه لا يستطيع الاعتراض.

أصوات الطرق ممزوجه بأصوات سقوط الطوب علي جدار السياره مرعبه.
-قطع-

شخص يركب عجله و يحمل فوق رأسه سبت عيش، يمر وسط الإشتباكات و كأنها غير موجوده ... يتعامل معه الطرفين أنه غير مضر و يتفادونه، المنظر عبثي للغاية

الأمور أهدأ داخل العربيه لأن الباب مغلق.

شماريخ (الالعاب الناريه) تطلق من المتظاهرين ناحيه العساكر والعربيه المفاجأه توقف الإخوان داخل العربيه عن الطرق علي الجدران.

نجوي تتفحص عويس الذي يتأوه، يحاول ان ينظر من الشباك ليجد عوض.

نجوي
عندك ضلع أتكسر

تلاحظ نجوي الصليب علي يد عويس، تنزل من كم قميصه لكي يخفي الصليب.

منص يقترب من نجوي و هو يشير لخدش علي جبهته.

منص
وشي باظ!؟

نجوي
ده خدش

منص
ههروه عهنه؟

نهوه - نهفاذ صبر
بهولك آءش

آآركه و آآفآص مصاب آءر؁ منص بهو مصووماً و بهفآص آءشه عهر مصءق
آشآهصها.

منص بهآه لركن بهون أن لاهظه أءء؁ بهور وآهه آم بهفآص الصوره لهآأكء أن
إصابآه صعهره.

عساكر مسآءءمهن ءروعهم البلاسلآكه لهآآموا من الطوب بهآهون نهو
سهارات الآرحلهال المآووقهه و بهفزون فهها لهقووءوها ناهيه قواآ الشرطه
المآراآعه.

عوض بلا ءرع مآاصر من الشمارهخ. عوهس بهصرآ

عوهس
كابهنه العربيه به عوض .. عوووووض

عوض لا بهسمع.

آءم
الههزر

آسام بهأء الههزر من فارس و بهناوله بهسرعه لآءم. آءم بهصوب الههزر عله
عوض اله أن بهلآظههم ... كل من فه العربه بهشهرون له أن بهءل الكابهنه ...
بهلق بالعساكر المآآآمهن ءآل الكابهنه. عوهس بهنظر للهآمعه بهآآنان

عساكر تدخل كابينه السياره ليحتموا من الشماريخ

-قطع-

متظاهرين يرمون مولوتوف ناحيه الشرطه، فترد الشرطه عليهم بإطلاق قنابل الغاز بإتجاه المتظاهرين الذي يجري منهم البعض ويقع منهم البعض متأثراً بالغاز...بعض المتظاهرين ذوي الكمادات البدائية يمسكون بقنابل الغاز و يلقونها مره أخرى بإتجاه الشرطه، قبله تقع عند سيارات الترحيلات، ثم أخرى.

حسين

ايه ده ايه ده!

منص

غاز .. غاز!!

محمد هاشم

أقفلوا الشبابيك

يخلع **محمد هاشم** قميصه و يحاول أن يسد به أقرب شباك له، كل من في السياره يخلعون ملابسهم ليسدوا شبابيك السياره ليمنعوا الدخان. مؤيدو الإخوان يتوقفون عن الطرق و يساعدون بعضاً علي شبابيك و معارضوهم علي شبابيك أخرى. عائشه لا تريداهم أن يغلقوا الشباك الذي تري منه والدها، آدم يسعل من الغاز، الا أنه يمنع من يحاولون غلق الشباك لكي يعطي لعائشه فرصه أكبر لتشاهد أباهما. يغلقون الشباك في النهايه. يبدو عليها الأسى.

زين علي شباك يتمسك به بإستماته.

زين

لا ... لا

رضوان يريد غلق شباك زين الذي لا يريد تركه.

رضوان
هنموت

زين يقاوم و يظل متمسكاً بالشباك. الغاز يتصاعد في وجهه، فيسعل بشده و يترك الشباك و يقع علي الأرض.

رضوان يغلق الشباك.

فيشو علي شباك يمسك بقميصه الذي لا يكفي ليغلق الشباك.

فيشو
أي حته هدم يا رجالة

عمر يخلع قميصه و يمد يده ليساعد فيشو في منع تسرب الغاز. فيشو و **عمر** ملتصقان ببعض، الإثنان غير مرتاحين لهذا الموقف.

العربه الآن مظلمه، إلا من الضوء الذي يدخلها من الثقوب التي أحدثتها الرصاصات التي أصابت السيارة سابقاً. الدخان أيضاً يتسرب من هذه الثقوب، الكل يسعل. نجوي تخلع شال كانت ترتديه و تتجه حيث فارس بجانب حسام، تغطي أنف فارس بالشال.

حسين يقع ارضاً، يسعل بشدة لا يستطيع التنفس. **عائشه** هي الأخرى تسعل بشده و تسقط أرضاً، جيبتها تبتل تدريجياً، فقدت السيطرة علي مئانتها، تحاول أن تخفي البلل بيدها ... حسين يخلع جاكيت التريننج الخاص

به يضعه علي وجه **عائشه** التي تنتفض و تبعد يده عن وجهها عندها يلمسها.

حذيفه ينزع قناع الغاز البدائي الخاص به و يشير لعائشه به فتأخذه بعد تردد.

عويس يخلع باريه الشرطه و يتنفس من خلاله. زين يتنفس بصعوبه و يبدو أنه يخنق، آدم هو الوحيد الذي يلاحظ إختناق زين. آدم يحاول أن يمد يده ليصل له، إلا أنه بعيد عن مدي يده.

آدم
خد نفسك ... زين ... خد نفسك
زين ببطء يفقد الوعي.

-شاشه سوداء-

مشهد- السياره مظلمه تماماً

إضاءه متقطعه

زين يفيق ببطء. أنفه مغطي بتيشرت ليساعده علي تنفس هواء نقي، يبعد التيشرت عن وجهه و يحاول ان يتنفس ببطأ ليسيطر علي خوفه. زين مستلقي علي الأرض في منتصف العربيه، في سقف العربيه لمبه كهرباء يحاول رضوان أصلاحها بتلميس سلوكها الخلفيه، تضيء و تطفأ، أخيراً تظل مضاءه، إلا أن إضاءتها ضعيفه. بعض الواقفين لا يرتدوا بنطلونات تيشرات لأنهم استخدموها ليغلقوا الشبابيك.

www.za2ed18.com
وانت حر

منص
و امريكا دي كلها عمارات طويله؟

آدم - خارج الشاشه
الشجر في كل حته، خَصَّار، غابات

منص

و البحر بتاعها زي هنا؟

آدم

فيها محيطات، واحد في الشرق و واحد في الغرب

حذيفه

و ناطحات السحاب، طلعتها؟

آدم

مره و لا مرتين يعني

فيشو

و الممزز؟

ضحك الجميع. الجو العام مختلف الكل أهدأ و أبطأ، أنه تأثير الغاز. زين يبدأ
في ان يسيطر علي تنفسه

آدم

كتييير

بدر

و اللي عاوز يروح، يروح أزاى؟

خيشه

آه

آدم

معرفش أنا عمري ما أحتجت فيزا

الانهاك يبدو علي الجميع الذين يتنفسون ببطء. **عائشه** في ركن وحدها،
ترتدي قناع الغاز و جيبتها المبتله. الشبابيك مازالت مغلقه كلها. كل من في
السياره يغطون أنوفهم بملابسهم، ليحموها من الغاز، أمام كل شبك أثنان
يغلقونه بالملابس. الآن لا يوجد جانبان، الكل متفرق.

صلاح

أمال أيه اللي بيرجعك للخرابه دي؟

يفكر لثواني. زين يركز في كلام آدم.

آدم

أنا طلعت لقيت أبويا بيتعفرت لما تيجي سيره مصر، دي بلد بنت ستين في
سبعين ... كلام عن تعذيبه أيام عبدالناصر، شتيمه في ناسها في الزحمه و
الواسطه و الفساد ... كل سنه خناقه عشان مش عاوزنا ننزل مصر في الأجازه
... لما أتوفي وصيته كان طلب واحد بس ... أنه يتدفن هنا

الجميع متأثرين من كلام آدم، لا يلحظوا زين الذي تدمع عينه تأثراً.

آدم يلمح زين.

آدم

أنت كويس؟

زين يهز رأسه نافياً، يخفي أنه مدمع. يلمح بدر بدون بنطلون يرتدي بوكسر
احمر عليه قلوب ... زين يبتسم

زين

أنا دماغي ثقيله كده ليه؟

تامر

مستوردين غاز جديد بيعمل دماغ ... ده أنت فاتك ضحك

نجوي مازالت في الجبهه المقابله من حسام الذي يبدو عليه الإعياء، جرحه ينزف و قميصه تزداد فيه بقعه الدماء. نجوي تقوم و تقترب من حسام الذي لا يقوي علي الإعتراض هذه المره، تكشف جرحه الغائر و المفتوح. نجوي تخرج دبوسان من شنطتها

حسام يفهم أنها ستغلق جرحه بهم، نجوي تضع أيشاربيها في فم حسام لكي يعض عليه. خيشه يساعدهم و يسند بحسام.

نجوي تغرس دبوس وراء الآخر ثم تثنيهم لتغلق الجرح ... حسام يصرخ و هو يعض علي الإيشارب من الألم الشديد. يمسح خيشه عرق حسام بالخيشه، حسام ينتفض من رائحه و ملمس الخيشه المقزز علي وجهه، يشير لخيشه أن يكتفي بهذه الجرعه من الخيشه.

الدبوسان لا يكفي، نجوي تبحث في شنطتها علي دبابيس أخرى بلا جدوي ... **عائشه** تفك الدبابيس من الإيشارب الخاص بها و تناولهم لنجوي. نجوي تكمل تدبب جرح حسام.

عائشه أصبح حجابها مفكوكاً بلا دبابيس.

-قطع-

-- أصوات أشتباكات في الخارج، قنابل غاز و طوب و صراخ. شخص أو شئ يرتطم بجانب السياره من الخارج، ينتفض الجميع فهم لا يعرفون ما يحدث و لكن أصوات الإشتباكات تقترب.



كل من في السياره، يتلو صلاواته، الكل خائف و مترقب ... عويس يمسك بقميصه حيث يختفي الصليب تحته.

-قطع-

أحمد هاشم يجلس بجانب أخيه **محمد هاشم** الواجم، **أحمد** يشارك محمد في القميص الذي يتنفس منه **محمد**

أحمد هاشم- بابتسامه

شعري بيقع، قدامي قد ايه؟

محمد هاشم

معرفش

أحمد هاشم

انا فاكر انت علي ٢٧ .. ٢٨ كنت بقيت بلاطه

محمد هاشم يتجاهل محاولته لتخفيف الإجواء بينهما

أحمد هاشم

الحلاق يقول في كريم لو حطيته الشعر ميقعش

محمد هاشم

مين اللي قالك كده؟ سعد ؟

أحمد هاشم

لأ بقيت بحلق عند واحد ثاني

لحظه صمت

محمد هاشم

حلاق اخوان؟

أحمد هاشم

آه

محمد هاشم

انسى .. هتصلع زيي

أحمد هاشم

بس هو بيقول-

محمد هاشم

يقول اللي يقوله دي جينات مش بمزاجك و لا بمزاجه

يتبادلان نظره.

-قطع-

حسين سرحان في النظر **لعائشه**، تبدو جميله و بريئه.. شعرها الأسود الجميل الآن ظاهر من الحجاب المتفكك ، تلتفت له فجأه، يتبادلان نظره ... يعبر شخص أمام حسين ليفصل بينه و بين **عائشه**، بعد أبتعاده الشخص يجد حسين **عائشه** تنظر بعيداً، يظل حسين ينظر لها إلا أنها لا تلتفت له ثانيه ... ثواني و يقوم حسين المحبط و يقترب من منص

حسين

عاوز أكلم أمي

منص

مش هي هتتكلم لما هتنفذ

حسين

هيه تلاقيها خايفه تخلص الشحن، أكيد أتصرفت

منص يشير لفيشو ليقفا كحائل ليخفوا أستعمال حسين للتليفون. يناوله التليفون

حسين- يهمس

أيوه يا ماما ... في نفس المكان ... يعني أيه مش عارفه تعملي حاجه أمال

مين اللي يقدر ... يكلم الوزير أتصرفي

أصوات اشتباكات تقترب، ينحني حسين لأن الأصوات أفرعته

حسين- بتأثر
ماما أحنا بنموت هنا

فيشو يأخذ منه التليفون و يغلق الإتصال.

حسين
مكالمة تانيه

منص
خلاص

حسين
مكالمة واحده هكلم خالي بنفسه
فيشو
خلاص

رساله تصل للموبايل. فيشو يقرأ الرساله بعفويه (طمني عليك). فيشو يلاحظ الرقم تظهر عليه الدهشه. منص يحاول أن يأخذ الموبايل إلا أن فيشو يمنعه. فيشو يفتح تاريخ الرسائل بين منص و الرقم. الرسائل بين منص و الرقم كلها رسائل حب. فيشو ينظر لمنص بغضب.

منص يبتعد عن فيشو الذي يطارده حول العربيه حتي يمسك به، فيشو يمسك
منص من رقبتة بيد واحده و يخنقه.

منص
أنا نازل معاك عشان أقولك أصلاً ... أقري الرسائل هتلاقينا متفقين علي كده
فيشو
أختي!
منص

بحبها ...
فيشو
بتعمل الشويتين بتوعك علي أختي أنا!

فيشو يزيد من قبضته، منص يختنق. يلاحظه محتجزين آخرين فيدخلوا
ليخلصوا رقبه منص من قبضه فيشو. فيشو يتركه في النهايه. منص يسعل.

-قطع-

نقله زمني

زين ينحت علي حائط العربيه اسمه، لينضم للقائمه الكبيره من الاسماء
المنحوته.

ينتهي زين من النحت، يتأمل التي شيرت الذي يغطي أنفه، مقاسه كبير
للاغايه لا يمكن إلا أن يكون **تامر** الضخم جداً. زين يقترب من **تامر** ويشير
علي التيشيرت.

زين
شكراً

تامر

ده مش تيشيرتي! انت قصدك أن أنا تخين!

زين
لأ

تامر

بهرج معاك يا عم التيشيرت بتاعي، بس أنت صدقت صح؟ مقنع أنا ... أنت
مصوراتي؟

زين
آه

تامر
صورت قبل كده كاستينج؟

زين
مره زمان

تامر
أنا عملت كاستينج قبل كده

زين و آدم ينظران لبعضهما بتعجب.

زين
كاستينج آيه!؟

تامر
في مكتب شريف عرفه عشان فيلمه الأخير.

آدم
أنت! بتمثل

تامر
و يومية غنيت كمان، كان أوديشن لدور مطرب

تامر يطبل بيده برفق علي حائط العربيه ... ثم يغني مقطع من أغنييه.

تامر

لبيك اسلام البطولة كلنا نفدي الحما
لبيك واجعل من جماجمنا لعزك سلما
لبيك ان عطش اللواء سكب الشباب له الدماء

صوت **تامر** وحش... ينهي الأغنية.

آدم
أنت غنتله أغنية الجماجم دي!

تامر
لأ غنتله حاجه لنانسي، بس طبعاً دلوقتي الغاز مآثر

زين- بحرج
آه هو أكيد مآثر

تامر
مع أني متعود أغني في الغاز، أنا ال ١٨ يوم بتوع الثورة علي المنصة بغني

عمر
حصل ده يا حذيفه؟

عمر و حذيفه يتبادلان نظره ساخره، **حذيفه** يبتسم بصعوبه.

عمر
مش كانو مسمينو في الميدان مطرب الغاز؟

تامر
متهرجش يا عمر.

(لزين)

أنت عارف الواد مطرب الثورة ده، الناس كانت بتنزله من المنصه و يطلعوني

عمر

عشان أنت الوحيد اللي كنت بتضحكهم

حذيفه يبتسم و يبتسم زين و فيشو و منص و حسين.

تامر

بس يا زفت .. و الله العظيم الميدان كله كان يعرفني

حسام

هو أنت مطرب الغاز!؟

حسام يبتسم رغم إرهاقه الشديد.

تامر

آه..لأ...سمعتني قبل كده ؟

نجوي

مره لقينا الميدان فاضي خالص قولنا الثورة فشلت و لا أيه؟ .. قالولنا متقلقوش
هيرجع يتملي أول ما مطرب الغاز يخلص.

يضحك الجميع مؤيدين ومعارضين علي **تامر**، إلا فيشو و منص المتأثران
بمعركتهم الخاصة.

آدم

افتكرتك

محمد هاشم

كانت أحلي أيام

زين بآليه يهز رأسه مؤيداً، يبدو عليه الأسى.
تامر و حذيفه و محمد هاشم و حسام و نجوي و زين و آدم و رضوان و
صلاح متأثرون بتذكر أيام الثورة.

تقوم نجوي تتجه ناحيه حسام، تجلس بجانبه و تضع رأسها علي كتفه. حسام
لا يبدي رد فعل و لكن بعد لحظه حسام يحتضنها، ناحيه كتفه السليم

زين يمد يده و يخرج الكاميرا من تحت الكرسي الذي خبئها تحته. يفتح
الفلاش الخاص بها و يصور نفسه ... آدم يراقب رد فعل الجميع ... لا أحد
يعترض ... زين يصور **تامر** الذي يبتسم و يهرج بوجهه ... يبدأ في توجيه
الكاميرا للجميع ... لا أحد يعترض.

-قطع-

صوت موتور العربه، هناك من يحاول أن يدير الموتور، بعد أكثر من محاوله تدور
العربه، ثم تتحرك ببطء تاركه المكان ... يختلس خيشه نظره من الشباك وراء
الملابس ... الشارع فارغ تماما و تملأه بقايا المعركه. عربات محترقه و الغاز
يملاً الهواء.

زين يتسند علي تامر الذي يساعده ليقف، زين يقترب من شباك آدم و يتنفس
هوائاً نقياً، يتنفس الصعداء. آدم يربت علي كتف زين بود.

عائشه تقوم و تنزع الكمامه، تحاول أن ينظر من الشباك علي أبيها، عويس
هو الاخر يبحث بعينه عن اي اثر لقوات الشرطه الا ان الشارع فارغ

ينزلون الواحد بعد الآخر الملابس من علي الشبايك، الهواء الآن نقي من الغاز.
نجوي تناول فارس ملابس من علي الشباك الملاصق لها.

نجوي
استروا نفسكوا

تشير لمن يرتدون بوكسرات. حسام ينظر لتامر بجانبه

حسام
انت مكملتش ليه في التمثيل؟
تامر

محدث من مكتب شريف عرفة كلمني.

يهز حسام رأسه متفهماً .

السياره تمشي في شوارع القاهره التي يخرج الدخان من كل جوانبها لنفهم
أن الإشتباكات في كل مكان، قائدها يقودها بتهور، مما يلقي بمن داخل
السياره يمينا و يساراً

-قطع-

رضوان يسند صلاح الذي يكاد ان يقع بفعل هز العربيه. صلاح يتأمله يبدو منهكاً.
صلاح يربت علي كتفه

صلاح

تعبتك معايا يا راجل طيب

رضوان
تعبك راحه يا حاج

صلاح
راحه آيه ده أنت أتكسحت

رضوان
يا عالم هنطلع من هنا و لا مش هنطلع، و فيه حاجه مش عارف أقولها لك أزاي

صلاح
طارق معاهم

رضوان تدمع عيناها.

رضوان
و الله ما قولتلك عشان خايف عليك يا حاج

صلاح يربت علي كتفه ليطمأنه.

-قطع-

منص يقترب من فيشو.

منص
قرئت الرسائل؟

فيشو لا يرد.

منص

أنا كنت خايف أقولك عشان أنت عارف ظروفي، بس مكناش قادرين نخبي عليك أكثر من كده. أنت شايف أهو بفتح سكك شغل، ما عشان الموضوع ده

فيشو يقرأ من رساله علي الموبايل

فيشو

أصلاً نازل معايا يا حنين عشان قالتلك تاخد بالك مني

منص

في رساله بعدها بقول أنا ناوي أقولك إنهارده أني عاوز أتجوز أختك

فيشو

أنا أجوز أختي لواحد مالخونه دول قبل ما أجوزها لنذل زيك

منص

أنا منص صاحبك

فيشو يدفع منص بعنف.

فيشو - للإخوان

خدوه معاكوا أصل ندل زيكوا

منص ينظر له بغضب.

-قطع-

عمر يقترب من **معاذ** و يهمس له.

عمر

كنت عاوز أسأل حضرتك حاجه ... كذا حد بيسألني هو الرئيس بجد ممكن يرجع؟

معاذ

طبعاً

عمر

بس بالورقه و القلم مستحيل

معاذ

ورقه و قلم أيه!! أحنا بنكفر بالأسباب و بنؤمن برب الأسباب

عمر

طبعاً ... بس أزاي هيحصل كده! ... آسف أني بسأل

معاذ

مش شغلتك أزاي، و لا شغلتي ... دي شغله ربنا

يهز **عمر** رأسه ليدو و كأنه أقتنع، إلا أنه واضح أنه يفتعل الإقتناع.

معاذ

ده شيطان، إستعيز بالله

-قطع-

. فارس يفاجأ بعائشه ترسم علي الاكس او ... هي من كان يلعب معه



حسام-لعائشه

هنبقي ناخد عنوانك عشان لما نفك الدبابيس نرجعالك

عائشه جامده.

حسام
باباكي أن شاء الله كويس.

عائشه لا ترد.

حسام
أنتي أسمك أيه؟

لحظه صمت، يفقد فيها حسام الأمل أنها سترد. تحتضنها نجوي.

عائشه
أنا اللي قولتله عاوزه أنزل

حسام يلتفت لها.

عائشه
مكانش موافق خالص، قولته لو مخدتيش هنزل لوحدي

عائشه تبكي.

حسام
مش غلطتك ...

عائشه تنظر له لأول مره.

حسام- بتأثر
هو مكانش المفروض يسمع كلامك

عينا حسام تدمع، تربت نجوي علي كتفه.

نجوي
قوليلي بقه أسمك أيه؟

عائشه
عائشه

نجوي
خلاص يا **عائشه** لو عوزتي حاجه قوليلي علطول

عائشه
عائشه

نجوي- يبتسم
لأ أنا هقولك عائشه، مليش في شغل قريش بتاعكوا ده

عائشه تقاوم أبتسامه.

-قطع-

تتوقف العربيه تحت كوبري بجانب أحد أعمدته، يفاجأ من في السياره بنزول
مالك و هو من مؤيدي الإخوان من مقعد قياده السياره ! **مالك** خطف السياره
وسط الإشتباكات.

تامر
يخربيتك.. مالك!

مالك
و أنت فاكرني هسيبكوا

حسام
مالك مين؟! مين ده؟

حذيفه
اخويا

معاذ
أفتح
مالك
الحاج معاكوا

تامر ينظر **لحذيفه** و يشير له أن لا يخبره.

تامر
لأ، في عربيه تانيه

حذيفه يتأثر، لكنه يصمت.
يتجه **مالك** للباب و يحاول فتحه بحجر كبير لكنه لا يستطيع.

نجوي تجر فارس و تتجه ناحيه الباب، تبدو أكثرهم لهفه علي الخروج.

صلاح
كده غلط، هتلبسوا تهمة هروب
رضوان
استنا يا عم بطايقنا معاهم

نجوي
طرز
آدم
أفتح

حسام
بسرعه
فيشو

يا عم المجنون وقف الي بتعمله ده هاتضيعنا.

منص
لأ خرجنا

منص يتحدي فيشو.

عويس
بطايقكوا معايا

عويس يخرج من جيبه بطايقهم. يوزع البطايق علي الجميع.

معاذ

هيفتح و اللي عاوز يخرج يخرج و اللي عاوز يفضل يفضل

بدر

بسرعه لحسن ييجوا.

مالك يستخدم حجر أكبر محاولا فتح الباب.

من داخل السيارة يحاول **تامر** و باقي مؤيدي الإخوان أن يدفعوا الباب، ألا أنه لا يهتز. منص يحاول هو الآخر، داخله غضب يخرج في الباب.

مالك يأتي بحديده و يحاول كسر قفل الباب إلا أن الباب صامد.

نجوي
شوف المفاتيح يمكن تلاقيها في كابينه العربيه... بسرعه

مالك يتجه بسرعه الي كابينه القيادة، يفتح الشباك بينه و بين العربيه، يبحث
عن المفاتيح إلا أنه لا يجد شيئاً.

مالك
مش لاقى حاجه ...
عويس
شوف تحت الكرسي
محمد هاشم
تحت الكراسي

يلتفت **مالك** لهم داخل السيارة.

مالك
مفيش

معاذ
مظاهرتنا هتلاقيها قريبه، كلم حد فيها هيعرفوا يتصرفوا

مالك
معيش تليفون

آدم
أحنا معانا هنا تليفون
نجوي
طلع التليفون

ينظرون لفيشو.

فیشو
قطع شحن خلاص

منص
كداب، مقطعش شحن

ينظران لبعض بتحدي.

نجوي
هاته أشوفه أنا
فیشو
مفیش تليفونات
معاذ- لمالك
روح أتكلم من أي كشك ...ياالله جري

يندفع **مالك** باتجاه شارع جانبي.

بدر
الاخوان مرحله انت بقيت جاهز تعديها، انا رايع علي سوريها لما نخرج منها
تعالى معايا
عويس يقرأ سام **بدر** من بطاقته

عويس
بدر الدين حسن

بدر يأخذ بطاقته من عويس

بدر
لو خرجنا علي خير، تسيب الداخليه
عويس
ده تجنيد الزامي يا شيخ، فيها سجن

حذيفه

السجن و لا الموت؟

عويس يلتفت **لحذيفه** و يفهم تهديده

عويس

أحنا توكالنا علي الله يا عم

بدر

أنا مش بخوفك، أنت واد جدع، و الله العظيم خايف عليك ..

حذيفه

أنا بقي مش خايف عليك

حذيفه ينظر لعويس نظره مخيفه

بدر

انت غلبان مش فاهم انك كده بتخدم اليهود و النصاري

عويس يتجمد و لا يبدي رد فعل

نجوي تلمح مالك الذي يجري راجعا باتجاه العربيه.

نجوي- تبتسم

هنخرج دلوقتي. تفتكر هنلاقي مواصلات من هنا؟

تامر

آخر الشارع ده يمين في شمال فيه موقف

رضوان

احنا في الشرابيه و لا ايه؟

صلاح

هنركب تاكسي مش فارقه

فارس

انا عاوز انا
نجوي
هنطلع علي المستشفى الأول

خيشه الوحيد القابع في ركن و يبدو عليه الوجوم

حسين سعيد للغاية، يقترب منه

حسين
خلاص هنروح

يهز خيشه رأسه بوجوم.

حسين
هوصلك اي حته انت عاوزها. ساكن فين؟
خيشه
في الشارع

حسين يتفهم وجومه.

آدم و زين يحاولون فك الكلابشات بكل قوه، فيشو و حسين يساعدهم، إلا
أنهم جميعاً يفشلوا ... زين يجلس علي البنج بجانب آدم

آدم

هتخرج

زين

مش هسيبك

آدم يخرج الكاميرا و يناولها لزين

آدم

دي لازم توصل للناس

زين

يلعن أبو الشغل يا أخي، هتموت

آدم

ده مش شغل ... أنا مش هنا عشان شغل

اللي صورته من شويه ممكن يغر ناس كتير

آدم ينظر في عين زين، يتبادلان نظره، زين لأول مره يتفهم آدم.

يصل **مالك**، ينهج لأنه كان يجري.

مالك

محدث بيرد علي تليفونات، كلهم في المظاهرات

حذيفه

خدنا وسط مظاهرتنا، أكيد هيعرفوا يطلعونا

زين

لأ

تامر

متخافش أنت في حمايتنا

فيشو
أنت أهبل
عويس
هيموتونا!

بدر
أطلع علي المظاهره يا أبني

نجوي
لأأ
حسام
انتو مجانيين!!

حسين
متروحش يا متخلف

خيشه يخرج الموس من فمه في ترقب و يدفع حسين خلفه ليحميه.

يدير **مالك** موتور السياره بتوصيل سلكين تحت الدريكسيون، يجرب مره بعد
الأخري حتي تنجح.

آدم
أستني ... جرب تخطب ظهر العربيه في حيطه ولا سور .. هتكسر الباب

حذيفه
أطلع يا مالك

زين - **لمعاذ**

لو رحنا الدم هيبقي في رقبتك

تامر

خايف ليه، أنت معاهم؟

زين

هو أنا لو مش معاهم أسيبهم يموتوا

معاذ

محدث هيموت أحنا مظاهراتنا سلمية

أحمد هاشم

أحنا مش سفاحين

محمد هاشم

أي مظاهره أنهارده محدش هيعرف يسيطر علي الناس اللي فيها

آدم

جرب تكسر باب العربيه ... جرب.

نجوي

آه، و النبي جرب

حذيفه

أطلع يا مالك سيبك منهم

عائشه

متجرب الأول

لحظه صمت.

معاذ

أستني ... جرب كده تخبط ضرر العربيه

حذيفه يلتفت لمعاذ بتحدتي.

حذيفه

مفيش أستني هيطلع عالمظاهره

تامر

جرب أيه!!

معاذ يلاحظ أن معظم الإخوان في صف **حذيفه**.

أحمد هاشم

يستني لي؟

معاذ

فيه حاجات أكبر من فهمكوا

حذيفه

طرز

معاذ

مالك، نفذ أنا المسؤول هنا ... لو لسه أخوان نفذ

مالك يحرك السيارة لينفذ امر **معاذ**.

الكل داخل السيارة بيتعدون عن مؤخره السيارة.

مالك يقود السيارة للخلف، يزيد السرعة ... السيارة ترتطم بعمود الكوبري الضخم ... يسقط نصفهم بسبب الإندفاع ... زين يتشبث بآدم ... السيارة من الخلف منبعجه بشده

مجموعة من الطرفين يدفعون الباب باكتافهم وبضربه بأرجلهم يحاولون فتح الباب إلا أنه لا ينفتح.

تامر - لمالك

مفتحش

زين يشير للدم الذي يسيل عند رسغ آدم المتكلبش.

آدم - يتجاهله

خطبه ثانيه و هتفتح

عمر يلتفت لمعاذ الذي يشير له برأسه أنه موافق علي خطبه ثانيه.

عمر
تاني يا مالك

مالك يقود السيارة للأمام لنفس النقطة التي بدأ منها، يتوقف و يبدأ في الرجوع، سرعته أكبر ... يستعد الجميع للإصطدام ثانيه ... تصطدم السيارة بقوه و تنبعج مؤخرتها أكثر.

يحاول **مالك** تحريك السيارة لكن عجلات السيارة تدور ولا تتحرك السيارة ، السيارة أنحشرت في السور و ترفض الحركة. ينزل مالك ليتفقدھا من أسفل

مالك
العربيه مزنوقة

صوت سارينه شرطه فوق الكوبري. عويس يندفع ناحيه الشباك ليحدد مكانها.

مالك يحاول دفع السيارة بإستماته.

محمد هاشم
زوقوا يا رجاله

يبدأ مؤيدوا الإخوان في دفع العربيه يميناً و يساراً محاولين تحريرھا ... صوت سارينه الشرطه يقترب. آدم يدفع معهم.

حذيفه

أول مالعريه تتفك تتحرك

حذيفه ينظر لمعاذ، هذه المره لا يعترض.

نجوي

هايتحرك علي فين؟

معاذ

علي مظاهرتنا ... خلاص

حسام يقترب من آدم و يشير له أن يتوقف

حسام

وقف زق..لو العربيه دي مشيت هنموت

السياره الآن تهتز، تتحرر قليلاً، **مالك** يتجه لقمره القيادة.

مالك

هزه كمان

فيشو يدفع مجموعه من الإخوان ليمنعهم من تحريك العربيه.

فيشو

انتو مش لوحدكو..

منص يمسك **بحذيفه** و يمنعه من الزق.

خيشه

العربية دي مش هاتتحرك من هنا

معارضو الاخوان يحاولون منع مؤيدي الإخوان من الزق حتي لا يحرروا السيارة
... يحدث اشتباك بين الجميع...الإشتباك يزيد من أرجحه السيارة

آدم

بس ... بسس ... بسسس

مالك يزيد من ضغطه علي الوقود لتصدر السيارة صوت عالي.

السيارة تتحرر و تبتعد ... صوت سارينه الشرطه يبتعد.

ينفض الإشتباك بينهم، نجوي تشير لخيше بعينه بإتجاه **حذيفه**.

نجوي تهجم علي **حذيفه** وسط مؤيدي الإخوان و تلف يدها حول عنقه و
خيше يشهر الموس .

نجوي

وقفو ام العربية دي لأموتلك أخوك.

حسام و فارس يراقبون نجوي في ذهول.

حسام

نجوي!



فيشو و منص ينضما لها و يدفعا تامر بعنف حتي لا يقترب من **حذيفه**.
يحاول **معاذ** الإقتراب إلا أن خيше يجرحه في يده.

مالك
حذيفه

مالك يبطئ العربيه و يبدأ في أيقافها

تامر
متقفش
معاذ

مش هنقول أنكوا ضدنا فمحدث هيقربلكوا

منص يكسر ذراع **حذيفه** الذي يصرخ في ألم.

مالك
يا كلااب

منص
وقفوا العربيه قبل ما أكسر رقبتوا

بدر
هيبقي شهيد

نجوي تخنقه بشده فيصرخ بإستماته... يحاول أن يقترب **أحمد هاشم**، يدفعه
خيشه و يهدده بالموس.

من الشباك الأمامي الذي يطل علي قمره القياده، تظهر مظاهره كبيره في
نهايه الشارع.

خيشه يضع الموس علي رقبه **حذيفه**.

خيشه
أتشاهد يا شهيد

محمد هاشم
الناس دي هتموت لو دخلنا المظاهره

أحمد هاشم
مش هيموتوا يا محمد .. بس

معاذ
و أحنا لو قبضوا علينا هيموتونا

نجوي - لحذيفه
قوله يقف

حذيفه يستجمع أنفاسه، ينتظر الجميع ما سيقوله.

حذيفه
أبوك مات خنقوه مع اللي معاه في عربيه تانيه ... كمل و ماتسمعش لحد

مالك بتأثر و بعد لحظه يغلق الشباك. نجوي إنهار أملها. حسام يمسك بيد
نجوي لتترك **حذيفه**، نجوي ترضخ و تتركه، يربت علي كتفها بحنان.

حذيفه - يهمس
..أشهد أن لا اله إلا اله و أن محمداً رسول الله

خيشه يمسك الموس علي رقبه **حذيفه** بقوه، داخله صراع أن يقتله أم لا.

رضوان
خلاص يا خيشه

خيشه
دول ولاد وسخه لازم يموتوا

فيشو
خلاص .. كفاه

حسين
خيشه .. خيشه .. أنت مش كده

خيشه داخله صراع نفسي، عينه تدمع. خيشه يده ترتعش، يقترب منه
حسين و يأخذ من الموس.

رضوان يقرأ القرآن في سره و يتشاهد ... معارضي الإخوان في حاله إنهار و
أنكسار .

محمد هاشم يطرق علي الشباك المطل علي مالك.

محمد هاشم

مالك ... أقف يا مالك ... مالك

أحمد هاشم يحاول أن يستوقفه، فيمسكه من كتفه.

أحمد هاشم

مش هنخلي حد يعملهم حاجه يا محمد

محمد هاشم يبعد يد أخيه عنه.

محمد هاشم

ملكش دعوه بيه

احمد هاشم يلتفت لمعاذ و يسأله

احمد هاشم

حد هيعملهم حاجه

معاذ- متردداً يهز رأسه نافياً

احمد هاشم

اهو و الله ما حد هيعملهم حاجه

محمد يكمل الطرق علي الشباك.

السيارة تقترب من المتظاهرين الذين يمسكون بأعلام مصر.

صلاح ينظر من الشباك علي المظاهرة، علي يمين الشارع هناك النيل.

رضوان

بتبص علي أيه؟ خلاص

صلاح

يمكن أشوف طارق

-قطع-

عويس يتلو صلاته في سره، و يصلب علي وجهه بيده.
عمر لاحظ انه مسيحي، يخلع الجاكت الخاص به و يناوله لعويس ليغطي
ملابسه العسكريه

عمر

غطي نفسك عشان ميعرفوش انك عسكري

عمر ينضم **لمحمد هاشم** و **عائشه** اللذين يطرقوا علي **مالك** ليوقف العربيه.

معاذ

عمر!!

عمر ينظر له متأثراً، إلا أنه يتجاهله و يطرق الشباك مع **محمد هاشم**.

عمر

أفتح يا **مالك**

معاذ متأثر للغاية.

عائشه التي تمسك بفارس تنضم **لعمر** و تطرق علي جدار العربيه بجانبها.
أثنان آخران الإخوان ينضموا لهم.

معاذ

محدث هيقربلهم، و الله ما حد هيقربلهم

معاذ مشاعره متخطبه.

-قطع-

أحمد هاشم - برعب
ايه ده ...المظاهره دي تبعنا!؟

مؤيدو الاخوان ومعارضيهم ينظرون من الشباك ..

تامر
لأ دي تبعهم هم.

تدب الحياه في المتظاهرين المعارضين للإخوان، يتجهون للشبابيك

حسين
المظاهرة تبعنا احنا.

تامر و كل المؤيدين يحاولوا الطرق علي شباك مالك.

حذيفه

مالك، وقف يا مالك

تامر

أقففف

كل مؤيدي الإخوان يصرخون لكي يتوقف **مالك**. يتحرك بسرعه كل معارضي
الإخوان فيطرقون علي جانب العربيه لكي لا يسمع **مالك**.

نجوي
كمل يا مالك
معارضي الإخوان
كمل يا مالك .. كمل يا مالك ... كمل يا مالك

حسام
يا نجوي غلط، اي مظاهره هنموت
زين و عمر و محمد هاشم يشيرون للطرفين ان ما يحدث خطأ

منص
كمل يا مالك
فيشو
بس يا عم ... بس

مالك لا يرد، السياره الآن تصل وسط المظاهره.

احمد هاشم
دي شكلها مظاهرتنا .. اسلاميه اسلاميه
معاذ
اسلاميه اسلاميه .. احنا معاكوا احنا معاكوا

رضوان
احنا معاكوا .. تسلم الايادي، تسلم الايادي

نجوي تحتضن فارس ، ثم تمسك بيد **عائشه** لتطمئنهما

المتظاهرين يتزايدون و يقتربون من السيارة كالنمل، يشيرون علي السيارة (خونه .. خونه) يضربون بأيديهم علي جدار السيارة.

المتظاهرين يقتحمون كابينه القيادة بعدما يحطموا زجاج السيارة الأمامي، يفتحون الشباك الذي يفصل بين مقدمة السيارة ومؤخرتها وهم يخرجون **مالك** من السيارة ويضربوه.

حذيفه

مالك ... ماااااالك

اسلاميه اسلاميه .. احنا معاكوا يا اخوانا

يحاول مالطرفين باستماته أن يوضحوا للمتظاهرين بالخارج أنهم معهم، إلا أن الأصوات تضيع وسط صخب الجموع

المتظاهرين يكسروا الشباك الفاصل بين الكابينه و العربه

فيشو

غنوا لو عاوزين تعيشوا ... تسلم الأيادي، تسلم يا جيش بلادي .. غنوا

المتظاهرين لا يسمعونهم، يهزون السيارة يمينا و يساراً بغضب المره بعد الأخرى . داخل السيارة يقع الكل علي بعضهم

المتظاهرين يصعدوا علي جانب السيارة و يكملوا الطرق علي جانب السيارة كلها ... يحاولون فتح الباب بعنف شديد

طرق رهيب علي باب العربه، بأكثر من بلطه ... حسام يقف أمام **عائشه**

ليحميها. صلاح يساعده رضوان.

آدم يحاول أن يبعد يده المكلبشه في الشباك عن تناول المتظاهرين الغاضبين، هناك بلطه تخترق الجدار بجانبه، يحاول من طرقها سحبها لكنه يفشل.

العربة تهتز يميناً و يساراً، ثم تنقلب بقوة دفع الجموع ... الجميع يقعون فوق بعضهم

يفتح الباب تحت قوه الطرق ... يتراجع كل من في السياره بعيداً عن الباب، المتظاهرين يسحبوا **عمر** الذي يتمسك بزين و آخرين إلا أنهم لا يستطيعون إنقاذه ... يسحبوا بعده حسام، الذي يقاومهم لكنهم يسحلونه.

حسام
و الله العظيم معاكوا ... و الله العظيم معاكوا

تصرخ نجوي و فارس.

نجوي
حسا|||
فارس
|||

كل من حسام و **عمر** و **مالك** حوله دائره تضربهم فيها المجموع.

كل من حسام و **عمر** و **مالك** حوله دائره تضربهم فيها الجموع.

الجموع تجذب آدم بكل قوه، إلا أن الكلبشات في يده تمنعهم من سحبه

فيسحبون زين، ثم **احمد هاشم**

احمد هاشم
محمد.. محمد الحقني

يحاول اخيه باستماته ان ينقذه الا انه يفشل.

يسحبون منص فيهب فيشو لمحاوله انقاذه باستماته الا انه يفشل

آدم
اقفلوا الباب

يهب كل المتبقين في العربه ليدفعوا المتظاهرين خارج السياره و يغلقوا الباب
... بصعوبه ينجحوا

الطرق من خارج السياره مرعب .. الجميع يسندوا الباب مع بعضهم في
مواجهه طوفان البشر في الخارج ... هل سينجحوا في ايقاف الجنون؟

لعبه (الاكس او) لم تكتمل ... لم يربح احد

تم بحمد الله

النهايه